

BRČKO DISTRIKT
BOSNE I HERCEGOVINE
VLADA



БРЧКО ДИСТРИКТ
БОСНЕ И ХЕРЦЕГОВИНЕ
ВЛАДА

INFO

April / Svibanj / Јул, 2021. god.



Klikom do registracije vašeg poslovanja u Brčko distriktu BiH

„Uspostavljanje integrisanog elektronskog sistema za registraciju poslovnih subjekata i preduzetnika, zajedno s drugim aktivnostima koje se preduzimaju s ciljem jačanja vladavine prava na prostoru Distrikta, od ključne je važnosti za izgradnju povjerenja građana i privrede u institucije vlasti...“

U Brčko distriktu Bosne i Hercegovine promovisan je integrirani elektronski sistem za registraciju poslovnih subjekata i preduzetnika. Sistem je jednostavan za korištenje, ne zahtijeva posjetu bilo kojem šalteru, a pristupa mu se putem poveznice bizreg.osbd.ba.

Portal e-Registar je rezultat dugogodišnjeg reformskog procesa ostvarenog kroz Projekat poboljšanja poslovnog okruženja – LIFE koji provodi Međunarodna finansijska korporacija (IFC), članica Grupacije Svjetske banke, a finansira Britanska ambasada u Bosni i Hercegovini. Projekat ima za cilj da pruži brže, jeftinije i transparentnije usluge privrednicima i građanima u Bosni i Hercegovini (BiH).

„Pored elektronskog potpisa i visokih sigurnosnih standarda, Integrirani sistem e-Registra promoviše model evropske interoperabilnosti, što znači da će javna uprava automatski provjeravati podatke kojim već raspolaže, što osigurava veću produktivnost i skraćuje vrijeme potrebno za postupak registracije. Na ovaj način preduzetnici su oslobođeni prikupljanja značajnog broja dokaza, a time i plaćanja taksi za njihovo izdavanje ili ovjeravanje“, rekao je Esed Kadrić, gradonačelnik Brčko distrikta Bosne i Hercegovine.

„Uspostavljanje integrisanog elektronskog sistema za registraciju poslovnih subjekata i preduzetnika, zajedno s drugim aktivnostima koje se preduzimaju s ciljem jačanja vladavine prava na prostoru Distrikta, od ključne je važnosti za izgradnju povjerenja građana i privrede u institucije vlasti, jer je povjerenje najvažniji resurs za budućnost Brčko distrikta BiH“, istakao je Siniša Milić, predsjednik Skupštine Brčko distrikta BiH.

„Uvođenjem integrisanog sistema E-Registracija, uz podršku Projekta LIFE, Brčko distrikt BiH je izmjenio potrebne zakonske i podzakonske akte, a kako bi se omogućilo korištenje elektronskih dokumenata u službenoj upotrebi. Da bi ova reforma bila provedena, privredni odjel Suda u Distriktu prethodno je morao digitalizirati sve akte i predmete koji su sada dio ovog integrisanog sistema, te omogućavaju lakšu pretragu i postupanje po zahtjevima stranaka“, rekao je Jadranko Grčević,

predsjednik Osnovnog suda Brčko distrikta BiH.

„U proteklih 5 godina IFC je u okviru ovog projekta investirao svoja znanja, tehnologiju i zajedno sa partnerima vladama entiteta i Distrikta strukturirano radio na stvaranju preduslova za realizaciju prvog potpuno digitalnog servisa za građane i privrednike. Digitalizacija ekonomске infrastrukture je ključna u razvoju privatnog sektora i jačanju konkurentnosti, koji koristi evropski priznate elektronske potpise. Digitizirani procesi su brži, efikasniji i ekonomičniji, te smanjuju prostor za greške i korupciju. Posljednja godina nam je pokazala koliko je važno osigurati inovativan pristup ne samo u poslovanju, već i u pružanju usluga. Firme i preduzetnici se danas bore za opstanak i nastoje na svaki mogući način prilagoditi datim okolnostima, upravo ovakvom digitalizacijom javnih usluga se osigurava podrška i ubrzava ovaj proces transformacije. Hvala Britanskoj ambasadi na podršci projektu i Brčko distriktu BiH na uspješnoj saradnji tokom implementacije“, rekla je Lada Buševac, šefica Ureda IFC-a u Bosni i Hercegovini.

„Današnje predstavljanje jednošalterskog sistema registracije poslovnih subjekata je važan korak i veliko zajedničko postignuće. Vlada Brčko distrikta BiH prepoznaла je važnost reforme i predano radila na ostvarivanju ovog rezultata u vremenu punom izazova. Jednošalterski sistem bi trebao otkloniti destimulirajuće i birokratske prepreke, te pomoći perspektivnim preduzetnicima u registraciji novih subjekata na brži i jeftiniji način. S ovakvim scenarijem su svi na dobitku“, rekao je ovim povodom Matt Field, britanski ambasador u Bosni i Hercegovini.

IFC – sestrinska organizacija Svjetske banke i članica Grupacije Svjetske banke – najveća je globalna razvojna institucija usmjerena na privatni sektor na tržištima u razvoju. Tehničku pomoć Brčko distriktu BiH na realizaciji Integriranog sistema za elektronsko registrovanje poslovnih subjekata i preduzetnika – e-Registar pruža IFC putem Projekta poboljšanja poslovnog okruženja i privlačenja investicija na lokalnom nivou – LIFE, a koji finansira Vlada Ujedinjenog Kraljevstva, putem UKaid-a.

Obilježena 76. godišnjica od oslobođenja Brčkog

Polaganjem vijenaca na Partizanskom spomen-groblju u Brčkom obilježena je 76. godišnjica oslobođenja Brčkog u Drugom svjetskom ratu.

Gradonačelnik Brčko distrikta Bosne i Hercegovine Esed Kadrić istakao je važnost prisjećanja na borbu za slobodu i poginule borce od 1941. do 1945. godine.

„Danas je prilika da se prisjetimo boraca iz Drugog svjetskog rata koji su dali svoje živote za slobodu u borbi protiv fašizma i 7. april je jedan od datuma koji je važan za Brčko, datum koji će sve nas podsjećati, ali i mlade generacije, da gajimo duh antifašizma”, kazao je gradonačelnik.

Pored gradonačelnika polaganjem vijenaca prisustvovao je i predsjednik Skupštine Brčko distrikta BiH Siniša Milić, predstavnici Saveza boraca NOR-a 1941–1945. kao i političke stranke i građani Brčko distrikta BiH.

Volonterke iz Turske u Gradskoj vijećnici s mladima

Volonterke iz Turske koje borave u Brčko distriktu BiH sastale su se u Gradskoj vijećnici s predstvincima omladinske organizacije PRONI Centar za omladinski razvoj i „Svitac“ iz Brčkog i razgovarali opožaju mladim i funkcionisanju civilnog društva u Turskoj i BiH.

Sastanku je prisustvovala i savjetnica gradonačelnika Brčko distrikta BiH Admir Ramić kao i mlađi predstavnici Skupštine Brčko distrikta BiH Eldad Mrkaljević i Benjamin Malkić koji su istakli važnost dolaska stranih volontera u Brčko kao i važnost postojanja organizacija koje rade na mobilnosti mladih kako bi putovali u druge države i upoznali se s drugim ljudima i njihovim kulturama.

Volonterke iz Turske nakon sastanka su se zahvalile na gostoprimgstvu i izrazile želju za ponovnim dolaskom.



**Положен камен темељац
за изградњу
спортске сале
у Поточарима**



Полагањем камена темељца озваничен је почетак радова на изградњи спорске сале у ЈУ Друга основна школа, подручна школа у Мјесној заједници Поточари, коју похађа 110 ђака.

Есед Кадрић, градоначелник Брчко дистрикта БиХ истакао је да је ово једна од пет спортских сала које се тренутнограде на подручју Брчкодистрикта.

„Ово је потврда нашег усаглашеног политичког принципа о уједначеном улагању на свим подручјима Брчко дистрикта. Ову школу похађају дјеца која гравитирају из пет мјесних заједница и указала се пријека потреба да се уради фискултурна сала“, рекао је градоначелник Кадрић. Он је подсјетио да је Влада Дистрикта у претходном сазиву реализовала све припремне радње за овај пројекат, и истакао да је садашњи сазив ужурбаним активностима обезбиједио услове да данас крене изградња.

„Настављамо са јавним улагањима и у вријеме пандемије изградњом неопходне инфраструктуре и стварањем једнаких услова за све ученике“, закључио је Кадрић.

Синиша Милић, предсједник Скупштине Брчко дистрикта БиХ нагласио је да сала неће служити само за одвијање наставе већ да ће имати своју функцију и за спортске клубове и удружења која се рекреативно баве спортом.

„У том смислу овај пројекат ће показати своју оправданост. Наставићемо са улагањима у образовни систем водећи рачуна да је улагање у материјално-техничке претпоставке за васпитно-образовни процес само један сегмент тог процеса. Мораћемо у наредном периоду више пажње посветити и кадровским решењима и укупној организацији наставе како би Брчко дистрикт одржало епитет подручја у коме се наставни процеси и васпитање дјеце одвија на квалитетан начин“, закључио је Милић.

Марио Бабић, директор школе истакао је да ова сала има велики значај и за ученике и за наставнике, али и грађане који живе на овом простору.

„Надам се да ће брзо бити окончани радови јер је било потешкоћа приликом извођења наставе физичког васпитања и наставници и учитељи су се довијали како на најбољи начин реализацији наставу“, закључио је Бабић.



Održan sastanak gradonačelnika Brčkog i Bijeljine

Aktuelne teme u Brčko distriktu BiH i gradu Bijeljini koje se odnose na privredni ambijent, komunalna pitanja i infrastrukturne projekte koji se realizuju bile su teme sastanka gradonačelnika Brčko distrikta BiH Eseda Kadrića i gradonačelnika Bijeljine Ljubiše Petrovića, koji je održan u Brčkom.

S obzirom da su dvije lokalne zajednice naslonjene jedna na drugu, kako geografski tako i u drugim segmentima života, iskazana je namjera za intenzivnjom saradnjom. Razgovarano je o autoputu Beograd – Sarajevo, odnosno dionici koja će proći kroz ove lokalne zajednice, razmijenjena su iskustva o postupku eksproprijacije i drugim pripremnim radnjama za realizaciju ovog velikog projekta u oblasti putne infrastrukture. Ostale teme odnosile su se na pozitivne politike i uspješne projekte koje provode lokalne zajednice pa je tako delegaciji iz Bijeljine predstavljena podsticajna politika u realnom sektoru koja se provodi u Brčkom, pogodnosti koje će donijeti projekat revitalizacije „Luke Brčko“ kao i izgradnja mosta preko rijeke Save Brčko – Gunja, a nezaobilazna je bila i tema o posljedicama koje je izazvala pandemija korona virusa i podsticajnim mjerama koje provodi Brčko distrikt BiH.

Dogovorena je daljnja saradnja na operativnom nivou između dvije lokalne zajednice kao i uzvratna službena posjeta delegacije Distrikta gradu Bijeljini u narednom periodu.

Načelnik općine Lukavac posjetio Distrikt

Delegacija općine Lukavac prilikom službene posjete Brčko distriktu BiH sastala se u Gradskoj vijećnici s gradonačelnikom Brčko distrikta BiH Esedom Kadrićem i njegovim saradnicima, obišla Fabriku vode kao i Javno preduzeće „Putevi Brčko“, s ciljem razmjene dobre prakse za unapređenje komunalnih usluga u toj lokalnoj zajednici.

Razgovarano je o iskustvima Brčko distrikta BiH u vezi s izgradnjom i funkcionisanjem Fabrike vode kao i uspostavljanjem parking servisa. Predstavnici Distrikta istakli su da je sistem parking servisa u Brčkom uspostavljen u novembru 2016. godine te da je trenutno 1.617 parking mjesta kojim rukovodi nadležno javno preduzeće. Predloženi su zakonski osnovi za funkcioniranje ovog sistema kao i načini naplate. Predstavnici JP „Komunalno Brčko“ pojasnili su način funkcioniranja brčanske Fabrike vode kapaciteta 330 litara u sekundi.

Gradonačelnik Brčko distrikta BiH Esed Kadrić poželio je dobrodošlicu gostima iz Lukavca na čelu sa općinskim načelnikom Edinom Delićem i istakao da je razmjena iskustava i primjera dobre prakse sa općinama u okruženju pokazala odličnom. On je najavio realizaciju značajnih projekata Vlade Brčko distrikta BiH – „Izgradnja glavnog transportnog cjevovoda“ kao i „Centra za upravljanje otpadom“.

Sastanku su prisustvovali šef Odjeljenja za komunalne poslove u Vladi Brčko distrikta BiH Majazudin Vehabović, zamjenik direktora Javnog preduzeća „Putevi Brčko“ Mato Itrić te direktor Javnog preduzeća „Komunalno Brčko“ Kemal Atić i njegov zamjenik nadležan za tehničke poslove Dragan Jelisić.

S ministrom Lučićem razgovarano o stambenom zbrinjavanju izbjeglih i raseljenih osoba i socijalnih kategorija

Razgovarano je o projektu „CEB II“, koji je nedavno aktualiziran u Brčkom, a koji se odnosi na zatvaranje kolektivnih centara i alternativnog smještaja pružanjem javnih stambenih rješenja.

Gradonačelnik Brčko distrikta BiH Esed Kadrić i dogradonačelnik Anto Domić sastali su se u Gradskoj vijećnici s ministrom za ljudska prava i izbjeglice BiH Milošem Lučićem.

Razgovarano je o projektu „CEB II“, koji je nedavno aktualiziran u Brčkom, a koji se odnosi na zatvaranje kolektivnih centara i alternativnog smještaja pružanjem javnih stambenih rješenja. Čelnici Vlade upoznali su ministra Lučića da će ovaj projekt, odlukom brčanske Vlade, biti realiziran na prostoru Prutača.

U prvoj fazi projekta planirano je u Humanitarnom

naselju Prutače izgraditi dvije zgrade sa po 30 stambenih jedinica. Vrijednost projekta je 1.407.000 eura kreditnih sredstava.

Tema razgovora s ministrom Lučićem bili su i drugi projekti za izgradnju, sanaciju i rekonstrukciju stambenih jedinica, koji se zajednički realiziraju udruženim sredstvima. Najavljena je i realizacija EU projekta resornog državnog ministarstva koji ima za cilj mapiranje potreba lokalnog stanovništva koje je bez krova nad glavom, na osnovu čega će ministarstvo kandidirati zahtjev za sredstva za rješavanje ove problematike.



Vlada odobrila donacije Crvenom krstu/križu za borbu protiv COVID-19 i projekat „Starenje i zdravlje“

Vlada Brčko distrikta Bosne i Hercegovine na 9. redovnoj sjednici usvojila je Prijedlog odluke o utvrđivanju kriterija za raspodjelu sredstava donacija i odobrila Program utroška sredstava donacija Crvenom krstu/križu Brčko distrikta BiH za saradnju na projektu „Starenje i zdravlje“.

Šef Odjeljenja za zdravstvo i ostale usluge Vlade Brčko distrikta BiH Sead Šadić kazao je da se Distrikt polovinom prošle godine uključio u projekat i da je Vlada za te namjene izdvojila 30.000 KM.

„Cilj ovog projekta jeste da se pomogne 40 korisnika u obavljanju svojih redovnih aktivnosti. Ono što se Vlada obavezala kroz ovaj projekat jeste da su osigurana sredstva od 30.000 KM što je bila obaveza naše lokalne zajednice dok će švicarski Crveni križ učestvovati sa šest puta većim iznosom. Projekat počinje ove godine u maju i trajati će četiri godine s tim da smo se mi kao lokalna zajednica obavezali da ćemo u narednom periodu povećavati naša obavezna sredstva do

potpunog preuzimanja projekta“, kazao je Šadić.

Vlada je danas usvojila i Prijedlog odluke o utvrđivanju kriterija za raspodjelu sredstava donacija i odobrila Program utroška sredstava Crvenom krstu/križu Brčko distrikta BiH za pomoć stanovništvu Brčko distrikta BiH kod sprečavanja širenja bolesti COVID-19.

„To se odnosi na prevenciju COVID-19 na osnovu naredbe koja je usvojena prošle godine i tiče se rada Crvenog krsta/križa, odnosno njihove spasilačke jedinice koja radi na prevozu lica pozitivnih na COVID-19 gdje su ustupili sanitetsko vozilo i svoje volontere. Crveni križ nastavlja sa svojim aktivnostima na pomoći licima koja su pozitivna i ne mogu da obavljaju svoje redovne aktivnosti oko nabavke životnih namirnica ukoliko nemaju nikoga od svojih bližih. Također, neizbježno je učešće Crvenog križa i u realizaciji plana vakcinacije, odnosno na pozivnom centru koji je uspostavljen u njihovim prostorijama“, kazao je Šadić.





Održana prezentacija BH MAC-a o novom pristupu oslobađanja zemljišta od mina

Na cijelokupnom teritoriju Bosne i Hercegovine, a tako i na teritoriju Brčko distrikta BiH izvršena je ponovna procjena sumnjiće površine sukladno Međunarodnim standardima protuminskog djelovanja (IMAS), te je razvijen novi pristup za oslobađanje zemljišta od mina u BiH.

Zbog prelaska na novi pristup rješavanja minskog problema u BiH, u budućem razdoblju neće biti deminiranja pojedinačnih lokacija, već će se sustavno rješavati teritorije ugroženih mjesnih zajednica. Novi pristup rješavanja minskog problema omogućiće brže rješavanje minsko sumnjičivih površina na prostoru BiH, a samim tim i u Brčko distriktu BiH, uz manju upotrebu resursa, istaknuto je danas na prezentaciji koju je organizirao BH MACu suradnji sa Odjelom za javnu sigurnost Vlade Brčko distrikta BiH u Gradskoj vijećnici u Brčkom.

Prezentaciji su prisustvovali gradonačelnik

Brčko distrikta BiH Esed Kadrić, njegov zamjenik Anto Domić, predsjednik Skupštine Brčko distrikta BiH Siniša Milić, predstojnik Odjela za javnu sigurnost Bogdan Bratić i šef Policije Brčko distrikta BiH Goran Pisić.

Kako je istaknuto, gotovo sve mjesne zajednice u Brčko distriktu koje su pogodene ovim problemom su ruralne, a većina ih je vezano težišno za poljoprivredu i iskorištavanje prirodnih resursa.

Na teritoriju Brčko distrikta BiH preostalo je još oko 13 miliona metara kvadratnih minsko sumnjičive površine, koja će biti podijeljena u šest MSP projekata, a to su: Boderište, Brčko sjever, Ulice – Rahić – Bukovac, Brčko istok, Vukšić – Skakava i Brčko zapad. Tijekom ove godine očekuje se početak realizacije prvog projekta Brčko istok.

Šef Odjeljenja za stručne i administrativne poslove posjetio Udruženje „Spas”



Šef Odjeljenja za stručne i administrativne poslove Vlade Brčko distrikta BiH Nedim Hamzabegović sa svojim saradnikom posjetio je Udruženje „Spas” iz Brčkog i nekoliko članova udruženja koji su u stanju socijalne potrebe.

Hamzabegović se prilikom posjete upoznao s redovnim radom udruženja i kazao da će Odjeljenje nastaviti i dalje da pruža podršku kao i drugim sličnim organizacijama.

„Danas smo sagledali sav razmjer s kojim se problemima udruženje susreće, odnosno kako bi i mi iz Odjeljenja imali bolji uvid i razumijevanje. Nastaviti ćemo da ovakvim i sličnim udruženjima olakšamo rad kroz osiguravanje eventualnih prostorija ukoliko nemaju, ali i isto tako da naše propise i druge akte prilagodimo njihovim potrebama”, kazao je Hamzabegović.

Igor Tomić, predsjednik Udruženja „Spas” koje se bavi pružanjem humanitarne pomoći članovima udruženja koji su oboljeli i koji su u stanju socijalne potrebe, kazao je da su danas zahvaljujući Crvenom križu/krstu Brčko distrikta BiH uručeni i humanitarni paketi za trinaest članova udruženja kojima je potrebna pomoć. On je naglasio da se Udruženje trudi da pomogne u skladu s njihovim mogućnostima i zahvalio se svima na pomoći.



U Županji ragovarano o izgradnji novog mosta preko rijeke Save

Gradonačelnik Brčko distrikta BiH Esed Kadrić sa suradnicima razgovarao je u Županji u Republici Hrvatskoj sa županom Vukovarsko-srijemske županije Božom Galicem o izgradnji novog mosta koji povezuje Republiku Hrvatsku i Bosnu i Hercegovinu, odnosno Gunju i Brčko distrikt BiH.

„Sa županom smo razmotrili opciju da se u najneposrednijoj blizini postojećeg mosta gradi novi most kako Republika Hrvatska na drugoj strani ne bi morala graditi novi granični prijelaz, odnosno kako bi iskoristila postojeći“, rekao je gradonačelnik Esed Kadrić.

On je najavio zajednički sastanak na razini ministara po ovom pitanju.

„Očekujemo zajednički sastanak u Brčkom na ovu temu kojem će nazočiti ministri dvije države. Jako nam je važna potpora prvih susjeda koji će raditi s nama na afirmaciji potrebe izgradnje novog mosta, da bismo dobili razumijevanje i nadležnih ministarstava u Republici Hrvatskoj“, dodao je gradonačelnik Kadrić.

Župan Vukovarsko-srijemske županije Božo Galić istakao je da će ubrzati sve neophodne aktivnosti da bi na obostranu korist došlo do realizacije ovog projekta.

Predstavnici Distrikta informirali su župana o elaboratima nadležnih instituta u kojima je istaknuto da popravka postojećeg mosta ne bi mogla zadovoljiti funkcioniranje teškog prometa, te da bi prema nacitu idejnog rješenja trebalo graditi most, odmah dopostojećeg.

Podsjećamo da je most na rijeci Savi obustavljen za teški motorni promet te da se trenutno koristi smo za promet lakih vozila i pješaka, što izaziva višestruke posljedice posebno u ekonomskom smislu.

Sastanku u Županji nazočili su i dogradonačelnik Brčko distrikta BiH Anto Domić, glavni koordinator Vlade Brčko distrikta BiH Željko Antić, ravnatelj Direkcije za financije Mato Lučić i ravnatelj Javnog poduzeća „Putevi Brčko“ Vlado Jevtić.



Sto dana rada Vlade

Povodom prvih sto dana rada novog saziva Vlade Brčko distrikta BiH gradonačelnik Esed Kadrić predstavio je početne rezultate realizacije političke agende na osnovu koje je Vlada dobila podršku parlamentarne većine.

Iako je, kako je naveo gradonačelnik, sto dana malo vremena za okončanje određenih projekata, ipak je sasvim dovoljno da se prepozna energija, politički karakter i odgovornost koju posjeduje jedna Vlada.

- **Usvajanje Budžeta Brčko distrikta BiH za 2021. godinu u skladu s novim Zakonom o budžetu**

„Evidentno je usklađeno, sinhronizovano i sinergijsko djelovanje svih članova Vlade od početka rada, što je prepostavka uspješnosti ispunjavanja očekivanja stanovnika Brčko distrikta BiH. Sjetite se brzog postupanja u donošenju Budžeta Brčko distrikta BiH za 2021. godinu u trenutku primjene novog Zakona o budžetu koji nas je primorao da primijenimo sasvim drugi koncept i prilagodimo se novim okolnostima. To je sve potvrdilo naš proaktivni pristup i u borbi protiv pandemije korona virusa. Odmah smo pristupili energetičnjem djelovanju i mislim da smo vrlo odgovornim, dobro odmјerenim odlukama, a ne populističkim mjerama, do sada uspijevali donijeti odluke od kojih dugoročno imamo koristi“, istakao je gradonačelnik Esed Kadrić u obraćanju medijima.

On je naveo da je novi saziv Vlade sustiglo u jednom trenutku jako puno teških izazova.

„Tri člana Vlade smo imali van stroja, u jednom trenutku i gradonačelnika, i dogradonačelnika, a i danas imamo nekoliko važnih ministara koji su oboljeli od COVID-19. Međutim, uspijevamo se nositi s tim izazovima i mislim da Vlada jako organizovanoradi“, zaključio je Kadrić.

- **Zakonodavne aktivnosti**

„Smogli smo snage i odlučnosti i usvojili Zakon o sprečavanju sukoba interesa u institucijama Brčko distrikta BiH, zakona koji se najneposrednije tiče onih koji su donijeli taj zakon. Dakle, to potvrđuje politički karakter ljudi koji su uskratili sebi određene komocije i mogućnosti da eventualno nešto drugačije postupe u toku mandata. Želja je bila da se osnaži integritet javnih funkcija, ali i vjerodostojnost onih koji obnašaju te funkcije kako bismo pokušali vratiti povjerenje u politiku i ljudi koji se bave ovim poslom“, pojasnio je Kadrić. Gradonačelnik je njavio da će se u parlamentarnoj proceduri uskoro

naći Zakon o javnoj imovini Brčko distrikta BiH, koji je najvažniji zakon i prepostavlja ubrzaniji privredni razvoj Distrikta te rješava mnoga važna pitanja koja nisu riješena decenijama.

„Taj zakon će omogućiti da izvršimo diobene bilanse sa Javnom zdravstvenom ustanovom i JP „Komunalno Brčko“, da riješimo problem nedostajućih mjesto za groblja i mezarja, u saradnji sa vjerskim zajednicama“, dodao je gradonačelnik.

On je istakao da je vraćen na kratku doradu Zakon o igrama na sreću koji će se također vrlo brzo naći na sjednici Vlade.

Kadrić je naveo da su formirane radne grupe za svaki zakon koji se našao na listi prioritetnih zakona u Programu rada Vlade Brčko distrikta BiH.

- **Počelo ucrtavanje trasa na dionici autoputa Beograd – Sarajevo**

„Pokrenuli smo izmjene prostornog plana Brčko distrikta BiH zbog potrebe da se najbrže pristupi trasiranju autoputa kroz teritoriju Brčkog, a koji čini buduću dionicu autoputa Beograd – Sarajevo. Jednom sedmično održavamo zvanične sastanke, ostvarena je komunikacija sa svim nadležnim institucijama Republike Srpske, Federacije i nivoa BiH po ovom pitanju i Brčko se priključuje da se zajedničkim naporima krene u realizaciju ovog projekta“, rekao je gradonačelnik Kadrić. • A k t u e l i z o v a n a izgradnja mosta na rijeci Savi Jučer smo bili u Vukovarsko-srijemskoj županiji, angažovali smo našeg državnog ministra Vojina Mitrovića koji nam daje veliku podršku na realizaciji ovog, za Brčko neizmјerno važnog projekta.

- **Saradnja sa Svjetskom bankom na četiri izuzetno važna projekta**

„Nastavljamo, gdje imamo građevinsku dozvolu, regulaciju korita rijeke Blizne, i radimo pripreme za regulaciju projekta rijeke Brke, ovo su nastavci tih projekata u fazama. Integralno radimo na projektu izgradnje Centra za upravljanje čvrstim otpadom kao i zatvaranje postojeće deponije i njeno uređenje. Jedan od najvažnijih projekata jeste uređenje obale rijeke Save, odnosno izgradnja svih neophodnih sadržaja i šetališta.

- **U toku izrada regulacionog plana zone McGovern i realizacija poslovnih inicijativa iz oblasti tekstilne industrije**

„Baza McGovern je dobra perspektiva za privredni razvoj Distrikta. U fazi smo finalizacije izrade dokumenta specijalne pogodbe sa Studen Holdingom gdje će se graditi slobodna ekonomska zona i ona pretpostavlja da će se u prvoj fazi uložiti 20 miliona konvertibilnih maraka s pozitivnom implikacijom u zapošljavanju. Već u prvoj fazi će biti zaposleno oko 200 radnika, rekao je gradonačelnik Kadrić. On je dodao da je skoro pa okončana i investicija iz oblasti tekstilne industrije.

„Uskoro će proraditi jedna firma iz te oblasti koja će zapošljavati već skoro zaboravljene građanke Distrikta koje su možda nekada radile u Interpletu, odnosno sve one koji znaju kvalitetno šiti. U prvoj fazi će biti zaposleno 22 radnika iz te oblasti i Vlada vrijedno radi na realizaciji ove poslovne inicijative“, dodao je Kadrić.

- Raspisan prvi tender za izgradnju Gradskog stadiona i urađeni konkretni koraci na izgradnji multifunkcionalne dvorane**

Gradonačelnik Brčko distrikta BiH Esed Kadrić istakao je da je u toku analiza i priprema za usvajanje niza regulacionih planova koji će pretpostaviti masovniju izgradnju na području grada i Distrikta u cijelosti, jer su, kakao je naveo, otkočeni procesi u Odjeljenju za prostorno planiranje i imovinskopravne odnose. Gradonačelnik je istakao da će jeseni krenuti još masovnija izgradnja, bilo da se radi o privatnim aktivnostima ili javnim investicijama. „Ja sam ranije najavio i aktivnosti na izgradnji Gradskog stadiona. Mogu reći da smo ispunili donekle to moje obećanje. Već je raspisan prvi tender za nastavak izgradnje Gradskog stadiona, u vrijednosti od oko 1.300.000 KM i već pripremamo novi tender za realizaciju sredstava iz budžeta za 2021. godinu u visini od 5.000.000 za ove namjene“, dodao je Kadrić.

Gradonačelnik je istakao da je Vlada vrlo angažovana i po pitanju projekta multifunkcionalne gradske dvorane.

„Omultifunkcionalnoj dvorani se godinama pričalo, a ništa se nije radilo. Mi smo vrlo konkretno pristupili tom pitanju. Angažovali smo Vladino Pododjeljenje za javne objekte u okviru Odjeljenja za javne poslove koji vrlo vrijedno rade na tome i mislim da ćemo u ovoj godini biti u poziciji da se nešto vidi od početka izgradnje ove dvorane“, zaključio je Kadrić.

- Aktuelni projekti na području Distrikta**

Govoreći o aktuelnim projektima u Brčkom koji su u različitim fazama realizacije gradonačelnik je istakao da je „u toku rekonstrukcija Zanatskog

centra, prijavljena su odobrenja za građenje i izabrani izvođači radova za rekonstrukciju samoposluge u centru grada, a ubrzo nas očekuje i rekonstrukcija fasada u pješačkoj zoni na tzv. objektu „Klas“. Obdanište Ilička u proceduri je prijavljanja upotrebe dozvole. Nabavili smo teglač i prikolicu u vrijednosti od 600.000 KM, kao i specijalno vozilo koje će prevoziti otpad iz Brčkog u Zvornik, a u toku je priprema za izgradnju pretvarne stanice u vrijednosti od 430.000 KM. Kada je riječ o projektima vodosнabдijevanja i kanalisanja otpadnih voda, radi se na realizaciji u ukupnoj finansijskoj vrijednosti od skoro 2.000.000 KM. Počela je realizacija projekta dogradnje i rekonstrukcija dijela Bolnice za smještaj magnetne rezonance i RTG aparata u vrijednosti od skoro 300.000 KM, raspisani je tender i izabran izvođač za izgradnju savremene zgrade za potrebe JZU „Zdravstveni centar Brčko“, iza sadašnjeg objekata Doma zdravlja u Brčkom. Vrijedno je spomenuti da vršimo postupak javne nabavke da srušimo iseljenu zgradu na Bulevaru mira za potrebe izgradnje kružnog toka kako bi se omogućio kvalitetniji ulazak u Mjesnu zajednicu EŠ. Već su izvršene sve pripreme za izgradnju kružnog toka kod Gradskog stadiona i nadamo se da ćemo izgradnji pristupiti u toku godine. Započeta je izgradnja sportske dvorane u Potočarima, pripremamo dokumentaciju za još dva obdaništa, u Sipskoj Varoši i na Broduši kao i dogradnju Prve osnovne škole u Brčkom. Raspisali smo tri tendera u okviru aktivnosti na rekonstrukciji Luke Brčko i to za rekonstrukciju platoa u Luci, nabavku dizalice i izgradnju industrijskog kolosijeka željeznička stanica Brčko Novo – Luka Brčko i rekonstrukciju prilaznog puta do Luke. Vrlo blizu smo trenutku da konačno izdejstvujemo građevinsku dozvolu za rekonstrukciju tzv. Kamernog teatra koji ide prema Domu zdravlja. Izabran je izvođač radova za izgradnju plaže u Mjesnoj zajednici Brezovo Polje“.

Gradonačelnik Kadrić je zaključio da uprkos pandemiji s kojom smo suočeni i izazova koje nosi virus korona, Vlada aktivno radi na svim drugim zadatim ciljevima. On je napomenuo i da je u toku realizacija prvog programa podrške privredi u ovoj godini za djelatnosti koje su pogodene korona virusom te da će biti podijeljeno inicijalno 1.500.000 KM iz budžeta za 2021. godinu za ove namjene.

Edukacija učenika o značajnosti borbe protiv koronavirusa

U organizaciji Odjela za zdravstvo i ostale usluge Vlade Brčko distrikta BiH, a u suradnji s Odjelom za obrazovanje, JZU „Zdravstveni centar Brčko“ i Policijom Brčko distrikta BiH u prostorijama JU „Poljoprivredna i medicinska škola“ održana je edukacija o značajnosti borbe protiv koronavirusa.

Predstojnik Odjela za zdravstvo i ostale usluge Sead Šadić je stavio naglasak na neophodnost ovakvih aktivnosti kojim se educiraju učenici osnovnih i srednjih škola s ciljem što kvalitetnije zajedničke borbe protiv COVID-19.

„Evidentno je da smo mi u proteklom razdoblju zbog pogoršane epidemiološke situacije morali prekidati nastavni proces i samim tim bilo je neophodno da uključimo stručne osobe, kao što je prim. dr. Mirjana Kuzmanović, koja će dodatno educirati i informirati učenike o COVID-19, poštovanju mjera i sl. Odjel za zdravstvo i ostale usluge će u narednom razdoblju ovakve i slične aktivnosti organizirati i za roditelje“, kazao je Šadić.

On je istakao da ga posebno raduje što je veliki broj nastavnog osoblja zainteresirani i za cijepljenje.

„S novim kontingentom cjepliva planirano je da se cijepi i nastavno osoblje. Također, vjerujem da će postojati i dobri preduvjeti da u narednom razdoblju ne dolazi do prekida nastavnog procesa zbog

pogoršane epidemiološke situacije“, kazao je Šadić.

Predstojnik Odjela za obrazovanje Zoran Bulatović je istakao da se radi o značajnoj edukativnoj akciji i pozvao učenike da čuvaju svoje zdravlje i zdravlje svih iz njihovog neposrednog okruženja.

„Bitno je da se svi građani Distrikta upoznaju s epidemiološkom situacijom i načinom kako da se zaštite od virusa, a posebno smatram da je to bitno za učenike završnih razreda srednjih škola“, naglasio je Bulatović.

Ravnateljica JU „Poljoprivredna i medicinska škola“ Marica Mrkić izrazila je zahvalnost Odjelu za zdravstvo i ostale usluge, kao i Odjelu za obrazovanje koji su omogućili dodatnu edukaciju učenika ove škole.

„Svaki dan naši učenici i pored ove edukacije na satima odjeljenske zajednice imaju i dio educiranja u vezi sa COVID-19. Razlog svemu tome jeste i veliki broj naših nastavnika koji se prijavio za cijepljenje, što je jedan pozitivan korak kada je u pitanju zaštita i prevencija i učenika i nastavnika Distrikta. Ja se nadam da će naši učenici poslije današnje edukacije svojim roditeljima, prijateljima, prenijeti ova iskustva koja su stekla“, kazala je Mrkić.



Обиљежен Међународни дан медицинских сестара/техничара и Свјетски дан доктора породичне медицине

Одјељење за здравство и остале услуге Владе Брчко дистрикта БиХ у сарадњи са Јавном здравственом установом „Здравствени центар“ Брчко, Удружењем „Медицинар“, Удружењем доктора породичне/обитељске медицине и Црвеним крстом/крижом Брчко дистрикта БиХ на Тргу младих обиљежило је Међународни дан медицинских сестара/техничара.

Шеф Одјељења за здравство и остале услуге Сеад Шадић свим здравственим радницима честитао је овај значајни дан и захвалио се свима онима који се налазе на првим линијама у борби против пандемије.

„Када говоримо о пружању услуга у нашој јавној здравственој установи као и приватним здравственим установама морамо истакнути да су здравствени радници, посебно средњи медицински кадар, медицински техничари и сестре, на самом удару и пандемија је показала да је неопходно да у наредном периоду морамо повећати тај број здравствених радника, али обезбиједити боље услове њиховог рада. Такође, Одјељење ће инсистирати да се мора наставити и континуирана едукација медицинских техничара, односно сестара”, казао је Шадић.

Главни медицински техничар у Дому здравља у Брчком и предсједник Удружења „Медицинар“ Елведин Дуран истакао је да је пандемија додатно показала значајност медицинских

сестара у механизму лијечења и пружања здравствене заштитепацијентима.

„Сестра носи велику одговорност, али наспрам одговорности и после који обавља, она, нажалост, не заузима положај удруштву који би требала да заузима. Потребно је да уложимо додатне напоре да јачамо сестринство, да јачамо ту струку како би сестре биле што едукованије и како би могле одговорити свим захтјевима које лијечење и здравствена заштитатражи од нас у друштву”, казао је Дуран.

У оквиру обиљежавања Међународног дана медицинских сестара/техничара на Тргу младих организовано је и бесплатно мјерења шећера у крви, притиска као и разговор с грађанима о процесу вакцинације у Дистрикту.

У организацији Одјељења за здравство и остале услуге Владе Брчко дистрикта БиХ, Удружења доктора породичне медицине и сарадњи Удружења „Медицинар“ на Тргу младих у Брчком обиљежен је и Свјетски дан доктора породичне медицине уз слоган „Градимо будућност спородичним докторима“.

Прим. др Максида Јашаревић, специјалиста породичне медицине и предсједница Удружења доктора породичне медицине Брчко дистрикт БиХ, казала је да је данас посебна прилика како би се указало на кључну улогу коју носи доктор породичне медицине у здравственом систему.



Usvojen Program mjera za pomoć gospodarskim subjektima zbog pandemije koronavirusa

Vlada Brčko distrikta BiH održala je 11. redovitu sjednicu na kojoj je usvojen Prijedlog odluke o usvajanju Programa mjera za pomoć gospodarskim subjektima u Brčko distriktu Bosne i Hercegovine zbog pandemije izazvane koronavirusom za prvi kvartal 2021. godine.

Pero Gudeljević, predstojnik Odjela za gospodarski razvitak, šport i kulturu, u obraćanju medijima je kazao da su u prethodnoj godini provedena tri slična programa, te da se Odjel u prijedlogu novih mjeru koristio iskustvima iz prethodnog razdoblja, nastojeći da pomoć bude ukazana onima kojima je najviše potrebna, te da ne dođe do zloupotrebe izdvojenih sredstava.

„Inicijalna sredstva iz proračuna za ovu godinu predviđena za ove namjere iznose 1,5 milijun konvertibilnih maraka. Postoji namjera za izdvajanje dodatnih sredstava, ovisno o dalnjem tijeku epidemiološke situacije. Osnovno pravilo na temelju kojeg će se ova sredstva moći dobiti jesu pad poslovnih prihoda gospodarskih subjekata u 2020. za 20% ili više, u odnosu na 2019. godinu. Dakle, svi oni koji su imali veći pad od 20% moći će koristiti ova sredstva, a oni koji su imali manje od 20% neće moći biti korisnici“, dodao je Gudeljević.

Također je naglasio da poduzeća koja su ostvarila veću poslovnu dobit u odnosu na 2019. godinu, neće moći koristiti spomenuta sredstva.

Gudeljević je istakao da su izdvojene tri najznačajnije kategorije za dodjelu sredstava:

- U prvu kategoriju spadaju gospodarski subjekti koji su najčešće bili na meti zabrana tijekom restriktivnih mjeru i imaju ograničenja u radu. Za tu kategoriju je predviđena stopostotna nadoknada uplaćenih poreza i doprinosa na plaće i iz plaća za prvi kvartal 2021. godine.

- U drugu kategoriju spadaju sva ostala poduzeća koja ispunjavaju već navedene uvjete ovim programom. Za njih je predviđeno da se uplaćuje 50% od ukupno uplaćenih poreza i doprinosa na plaće i iz plaća za prvi kvartal 2021. godine.

- U treću kategoriju spadaju gospodarski subjekti koji su detektirani kao najugroženiji od početka pandemije na području Distrikta, a to je segment ugostiteljstva, hotelijeri, turoperateri i oni koji se bave organizacijom turističkih putovanja. Za njih su kroz ovaj program predviđene dodatne mjeru i to: za hotelijere po 100 KM po jednom registriranom krevetu za prvi kvartal. Za turoperatera 5.000 KM po jednom autobusu, odnosno 2.000 KM za minibus u vlasništvu turoperatera, dok je za ostale prijevoznike putnika, najprije prijevoz učenika, 500 KM po jednom registriranom autobusu.

Na sjednici odobren je i prijedlog izmjena dijela Regulacijskog plana dijela stambenog naselja „Grčica“.

„Želim da navedem specifičnost izmjena usvojenog regulacijskog plana, a tiču se nemogućnosti izgradnje omladinskog centra u naselju Grčica, koje niz godina čeka na provedbu. Samim činom usvajanja izmjena regulacijskog plana na sjednici Vlade, koji će biti proslijeđen u skupštinsku proceduru, otkloniti će se prepreke i nadam se da realizacija spomenutog projekta neće biti upitna“, zaključio je Zaimović.

Vlada Brčko distrikta BiH usvojila je Prijedlog odluke o odobravanju Programa utroška sredstava za donacije u 2021. godini u Odjelu za raseljene osobe, izbjeglice i stambena pitanja – I. dio.

Ovim programom će se realizirati subvencije zakupnina za korisnike stanova iz projekta sustava socijalnog stanovanja. Ljubica Ilić, predstojnica Odjela za raseljene osobe, izbjeglice i stambena pitanja, rekla je da će se potom isplatiti sredstva odabranim, a nerealiziranim korisnicima po programu stambeno zbrinjavanje raseljenih osoba koje se žele integrirati u lokalnu zajednicu po javnom pozivu iz 2020. godine.

Vlada Brčko distrikta BiH održala je 11. redovitu sjednicu na kojoj je usvojen Prijedlog odluke o usvajanju Programa mjera za pomoć gospodarskim subjektima u Brčko distriktu Bosne i Hercegovine zbog pandemije izazvane koronavirusom za prvi kvartal 2021. godine.

Pero Gudeljević, predstojnik Odjela za gospodarski razvitak, šport i kulturu, u obraćanju medijima je kazao da su u prethodnoj godini provedena tri slična programa, te da se Odjel u prijedlogu novih mjeru koristio iskustvima iz prethodnog razdoblja, nastojeći da pomoć bude ukazana onima kojima je najviše potrebna, te da ne dođe do zloupotrebe izdvojenih sredstava.

„Inicijalna sredstva iz proračuna za ovu godinu predviđena za ove namjere iznose 1,5 milijun konvertibilnih maraka. Postoji namjera za izdvajanje dodatnih sredstava, ovisno o dalnjem tijeku epidemiološke situacije. Osnovno pravilo na temelju kojeg će se ova sredstva moći dobiti jesu pad poslovnih prihoda gospodarskih subjekata u 2020. za 20% ili više, u odnosu na 2019. godinu. Dakle, svi oni koji su imali veći pad od 20% moći će koristiti ova sredstva, a oni koji su imali manje od 20% neće moći biti korisnici“, dodao je Gudeljević.

Također je naglasio da poduzeća koja su ostvarila veću poslovnu dobit u odnosu na 2019. godinu, neće moći koristiti spomenuta sredstva.

Gudeljević je istakao da su izdvojene tri najznačajnije kategorije za dodjelu sredstava:

- U prvu kategoriju spadaju gospodarski subjekti koji su najčešće bili na meti zabrana tijekom restriktivnih mjera i imaju ograničenja u radu. Za tu kategoriju je predviđena stopostotna nadoknada uplaćenih poreza i doprinosa na plaće i izplaća za prvi kvartal 2021. godine.
- U drugu kategoriju spadaju sva ostala poduzeća koja ispunjavaju već navedene uvjete ovim programom. Za njih je predviđeno da se uplaćuje 50% od ukupno uplaćenih poreza i doprinosa na plaće i izplaća za prvi kvartal 2021. godine.
- U treću kategoriju spadaju gospodarski subjekti koji su detektirani kao najugroženiji od početka pandemije na području Distrikta, a to je segment ugostiteljstva, hotelijeri, turoperateri i oni koji se bave organizacijom turističkih putovanja. Za njih su kroz ovaj program predviđene dodatne mјere i to: za hotelijere po 100 KM po jednom registriranom krevetu za prvi kvartal. Za turoperatore 5.000 KM po jednom autobusu, odnosno 2.000 KM za minibus u vlasništvu turoperatera, dok je za ostale prijevoznike putnika, najprije prijevozučenika, 500 KM po jednom registriranom autobusu.

Na sjednici odobren je i prijedlog izmjena dijela Regulacijskog plana dijela stambenog naselja „Grčica“.

„Želim da navedem specifičnost izmjena usvojenog regulacijskog plana, a tiču se nemogućnosti izgradnje omladinskog centra u naselju Grčica, koje niz godina čeka na provedbu. Samim činom usvajanja izmjena regulacijskog plana na sjednici Vlade, koji će biti proslijeden u skupštinsku proceduru, otkloniti će se prepreke i nadam se da realizacija spomenutog projekta neće biti upitna“, zaključio je Zaimović.

Vlada Brčko distrikta BiH usvojila je Prijedlog odluke o odobravanju Programa utroška sredstava za donacije u 2021. godini u Odjelu za raseljene osobe, izbjeglice i stambena pitanja – I. dio.

Ovim programom će se realizirati subvencije zakupnina za korisnike stanova iz projekta sustava socijalnog stanovanja. Ljubica Ilić, predstojnica Odjela za raseljene osobe, izbjeglice i stambena pitanja, rekla je da će se potom isplatiti sredstva odabranim, a nerealiziranim korisnicima po programu stambeno zbrinjavanje raseljenih osoba koje se žele integrirati u lokalnu zajednicu po javnom pozivu iz 2020. godine.

„Izdvojena su sredstva i za stambeno zbrinjavanje nositelja stanarskih prava, naknade za uništene stanove u iznosu od 50.000 KM, potom odabranim, a nerealiziranim korisnicima po programu obnove individualnih stambenih objekata raseljenih osobama i povratnika u Brčko distriktu BiH po javnom pozivu iz 2020. godine. Sredstva su izdvojena u iznosu od 122.714 KM. Osim toga, ovim programom su

planirana i sredstva za obnovu individualnih stambenih objekata raseljenih osoba i povratnika u Brčko distrikt BiH po javnom pozivu iz 2021. godine. To je javni poziv koji je u tijeku i ukupna sredstva su izdvojena u visini od 200.000 KM“, rekla je Ilić.

Ona je napomenula da će ove godine, osim ovog javnog poziva, biti realizirana još dva javna poziva.

„Jedan je za stambeno zbrinjavanje raseljenih osoba koji se žele integrirati na razini lokalne zajednice i visina sredstava je 150.000 KM. Drugi javni poziv je program stambenog zbrinjavanja, sanacije, odnosno rekonstrukcije ratom oštećenih stambenih jedinica na području Brčko distrikta u visini od 300.000 KM“, istakla je Ilić.

Članovi Vlade okončali su i 10. redovitu sjednicu. Vlada Brčko distrikta BiH razmatrala je Informaciju o realizaciji projekta izgradnje multifunkcionalne sportske dvorane s prijedlogom nastavka projektnih aktivnosti. Nenad Radojković, voditelj Pododjela za javne objekte u Odjelu za javne poslove, upoznao je javnost o dosadašnjim aktivnostima u vezi s izgradnjom multifunkcionalne dvorane, rekavši da je Vlada danas odobrila da se nastave projektne aktivnosti prema projektnom rješenju iz 2008. godine, gdje se koncept tadašnjeg projektiranog rješenja zasnivao na zatvaranju postojećih bazena i izgradnje multifunkcionalne sportske dvorane uz same bazene.

„Da bi se pristupilo tom projektu bit će potrebno da se prethodno izvrši detaljna analiza stanja postojeće konstrukcije bazena, kako bismo utvrdili razinu oštećenja, da li je moguća sanacija i koliko će ta sanacija koštati. Radit će se finansijska analiza isplativosti nastavka tog projekta. Ukoliko se pokaže isplativost, nastaviti će se aktivnosti s realizacijom po tadašnjem projektnom rješenju, koje je i revidirano 2009. godine, ali zbog lokacijskih problema nije odobrena izgradnja“, rekao je Radojković. Usvojene su i smjernice za izradu Nacrta zakona o civilnim žrtvama rata Brčko distrikta BiH na prijedlog Odjela za zdravstvo i ostale usluge.

„Bitno je istaknuti da smjernice predviđaju da ono što je već sada definirano odlukom Skupštine Brčko distrikta BiH po pitanju ostvarivanja tih prava biti definirano zakonom. Kada govorimo o zakonskom okviru entiteta, i jedan i drugi entitet su definirali tu aktivnost, što mi kao lokalna zajednica nažalost još uvijek nismo, ali pokazali smo spremnost i odlučnost da i ovo definiramo kroz zakonski okvir“, naglasio je Sead Šadić, predstojnik Odjela za zdravstvo i ostale usluge.

Najavio je i naredne aktivnosti, odnosno izradu samog nacrta zakona, te da se ne predviđa da će biti sadržajno veći u odnosu na samu odluku Skupštine Brčko distrikta BiH koja je usvojena 2012. godine, ali da se u što kraćem vremenskom roku očekuje da će se Nacrt zakona naći pred članovima Vlade, a potom i Skupštine Brčko distrikta BiH.



Gradonačelnik Kadrić sastao se s ministrom za boračka pitanja Federacije BiH

Mirza Terzo, v. d. ministra za pitanja boraca i invalida odbrambeno-oslobodilačkog rata u Vladi Federacije BiH (FBiH), boravio je u službenoj posjeti gradonačelniku Brčko distrikta BiH Esedu Kadriću.

Tema sastanka, kojem su prisustvovali i šef Odjeljenja za zdravstvo i ostale usluge Vlade Brčko distrikta BiH Sead Šadić i ministar za boračka pitanja u Vladi Tuzlanskog kantona Fedahija Ahmetović kao i borački savezi Federacije i boračka udruženja iz Distrikta, bila je poboljšanje statusa demobilisanih boraca pripadnika Armije Republike BiH (ARBiH), odnosno izjednačavanje prava ove populacije na području cijele Bosne i Hercegovine.

„Nezaobilazna tema je bila poboljšanje statusa boračke populacije, posebno onih s područja Brčko distrikta BiH. Ovo je druga posjeta nadležnog ministarstva i potvrda da zajednički intenzivno radimo na rješavanju problema koje postoje u ovoj oblasti. Iskreno se zahvaljujem i predstvincima Tuzlanskog kantona kao i federalnom ministru na angažmanu. Siguran sam da će se ova aktivnost završiti na dobrobit naših građana“, rekao je Sead Šadić šef Odjeljenja za

zdravstvo i ostale usluge.

V. d. ministra za pitanja boraca i invalida odbrambeno-oslobodilačkog rata u Vladi Federacije BiH Mirza Terzo istakao je cilj sastanka bio upoznavanje predstavnika brčanskih vlasti s aktivnostima na izmjenama zakona koji tretiraju boračku populaciju. „Ono što je važno za Brčko distrikt BiH jeste da su u Izmjenama zakona o demobilisanim borcima, kada je riječ o egzistencijalnoj naknadici, obuhvaćeni svi borci koji imaju boravak na području Brčko distrikta BiH, njih oko 700. Dogovorili smo da ta prava ostvare i supruge demobilisanih boraca koje nemaju druga primanja. Pored Distrikta bit će obuhvaćene i sve supruge demobilisanih boraca u Federaciji, preko 57 godina, kao i s područja Republike Srpske“, istakao je Terzo.

Fedahija Ahmetović, ministar za boračka pitanja u Vladi Tuzlanskog kantona, naglasio je da borci s područja Brčkog i Tuzle dijele zajedničke probleme te da se nuda da će izmjenama i dopunama spomenutog zakona biti, kako je naveo, riješena nepravda kako bi borci iz Brčkog bili tretirani kao i borci na području FBiH.

Gradonačelnik Kadrić potpisao ugovor za projekat „Evropska sedmica sporta van granica za zemlje zapadnog Balkana”



Ministar civilnih poslova Ankica Gudeljević potpisala je u Sarajevu ugovore s nadležnim entitetskim ministarstvima za sport, gradonačelnikom Brčko distrikta BiH Esedom Kadrićem i Olimpijskim komitetom BiH, u okviru projekta IPA II, za koji je u ime BiH Ministarstvo civilnih poslova potpisalo ugovor s Evropskom komisijom o dodjeli bespovratnih sredstava u iznosu od 250.000,00 eura.

Riječ je o projektu „EU4Youth – ili poznatijem kao „Evropska sedmica sporta van granica za zemlje zapadnog Balkana“. Pod sloganom „BeActive“, tokom 2021. i 2022. godine, bit će održano niz aktivnosti u Bosni i Hercegovini s ciljem podizanja svijesti o zdravom životu i važnosti sporta i fizičkih aktivnosti, a u okviru Evropske sedmice sporta.

Projekat će implementirati Ministarstvo porodice omiladine i sporta Republike Srpske, Federalno ministarstvo kulture i sporta, Odjeljenje za privredni razvoj, sport i kulturu Vlade Brčko distrikta i Olimpijski komitet Bosne i Hercegovine.

Sedmica sporta se održava svake godine posljednje sedmice septembra.

Gradonačelnik primio organizatore i učesnike Međunarodnog teniskog turnira „Prohema“ Brčko


Gradonačelnik Brčko distrikta BiH Esed Kadrić u Gradskoj vijećnici primio je organizatore i učesnike Međunarodnog teniskog turnira „Prohema“ Brčko povodom 17. „ITF MENS FUTURES BRCKO OPEN 2021“ koji se i ove godine održava pod pokroviteljstvom Vlade Brčko distrikta BiH. Dalibor Šarenac, predsjednik teniskog kluba „Prohema“ Brčko upoznao je gradonačelnika o dosadašnjim ostvarenim rezultatima kao i budućim aktivnostima ovog teniskog kluba i zahvalio se još jednom na podršci.

Gradonačelnik je pohvalio organizatore i istakao da će Vlada i dalje nastaviti sa pružanjem pomoći ovog već tradicionalnog turnira koji se u Brčkom održava 17 punih godina.





**Одјељење за
јавну безбедност
презентовало
командно возило**



Одјељење за јавну безбједност Владе Брчко дистрикта БиХ званичницима Брчко дистрикта БиХ уприличило је презентацију командног возила које је донирало од стране Амбасаде САД-а у БиХ у вриједности од око 150.000 долара.

Шеф Одјељења за јавну безбједност Богдан Братић казао је да ће се возило користити за разне акције спасавања у случају поплава, кризних ситуација и слично.

„Поред Федералне управе Цивилне заштите и Републичке управе цивилне заштите Републике Српске и ми смо добили једно такво возило. Предност овог возила је што посједује и агрегат где се може извршити напајање и на мјестима где нема електричне енергије. Засигурно, систем заштите и спасавања на простору Дистрикта с овим возилом је подигнуто на већи ниво и оно ће се користити не само за потребе нашег одјељења, него и за потребе Полиције Брчко дистрикта БиХ и свих осталих владиних институција које исказују потребу”, казао је Братић.

Он је истакао да је договорено и да уколико дође до кризних ситуација у општинама с

којима се граничи Дистрикт возило ће моћи изаћи на терен с циљем најбржег начина пружања подршке.

Координатор за кризне ситуације у Одјељењу за јавну безбједност Мирсад Хасанбашић казао је да је возило добро опремљено и да посједује квалитетне карактеристике.

„Возило је 25 коњских снага, 4x4, опремљено је агрегатом и простором предвиђеним за командно мјесто. Могућност боравка је до десетак особа, такођер има и могућност пројекције тренутне ситуације на терену. Нисмо га још увијек користили, али према карактеристикама вјероватно ће моћи савладати сваки терен, мало дубље воде и сл. Моћи ће се користити и у случају потребе за транспорт људи и евентуалну евакуацију људи или транспорт неких мањих количина роба на угрожена подручја”, казао је Хасанбашић. Европска команда Војске Сједињених Држава (ЕУЦОМ), путем Канцеларије за одбрамбену сарадњу (ОДЦ) Амбасаде САД-а, финансирала је набавку три прилагођена командна возила, а укупна вриједност ове донације је око 450.000 долара.

Gradonačelnik sa saradnicima obišao naselje Prutače





Gradonačelnik Brčko distrikta BiH Esed Kadrić s predstavnicima Vlade, javnih preduzeća i Policije Brčko distrikta BiH posjetio je alternativno naselje Prutače i upoznao se s poteškoćama s kojima se suočavaju mještani ovog naselja.

Gradonačelnik je kazao da probleme treba pod hitno riješiti kako bi se poboljšao standard života u ovom naselju.

„U naselju Prutače nalazi se najveća koncentracija romske populacije i praktično imamo jedno neuređeno naselje gdje se čini veliki broj krivičnih djela, gdje djece ne pohađaju nastavu, nemamo izgrađenu infrastrukturu. Također, imamo situaciju gdje se nelegalno koriste i objekti gdje je teško izvršiti kontrolu onih koji svakodnevno pristižu na ovo područje, vjerovatno motivisani dobrim socijalnim davanjima u Distriktu. Vlada će u predstojećem periodu nastojati rješavati urgentna pitanja koja se tiču ovog naselja, poput čišćenja kanalizacionih kanala, saniranja objekta škole i stvaranja zakonskih prepostavki s ciljem poboljšanja standarda života na Prutačama”, kazao je Kadrić.

On je istakao da se stvorila i ideja da se davanje dječijeg doplatka veže za obveznost pohađanja nastave, jer, kako je kazao, veliki broj djece romske nacionalnosti ne pohađa nastavu, a da roditelji istovremeno u njihovo ime ostvaruju pravo na dječiji doplatak.

Šefica Odjeljenja za raseljena lica, izbjeglice i stambena pitanja Vlade Brčko distrikta BiH Ljubica Ilić prilikom posjete istakla je značajnost projekta za raseljene osobe (CEB) koji je trenutno u fazi idejnog rješenja i koji bi se trebao provoditi u svih šest alternativnih naselja koja egzistiraju na području Distrikta.

„Plan ovog projekta je izgradnja dvije zgrade sa 60 stanova. Prema uslovima života Prutače su najalarmantnije i kroz taj projekt planirano je da se riješi problem raseljenih osoba. Lica koja su do 2012. doselila na Prutače smatrać će se raseljenim osobama i one će imati pravo na smještaj. Na Prutačama egzistira najveći broj romskih porodica tako da će najviše oni i biti situirani. Sva ostala romska populacija na Prutačama koja neće spadati u CEB projekt rješavat će se kroz druge projekte“, kazala je Ilić podsjećajući da Odjeljenje provodi projekte i s Ministarstvom za ljudska prava i izbjeglice BiH i da se trenutno pet kuća privodi u kraj.



Radni sastanak sa ministricom Gudeljević: Proces imunizacije građana Brčkog teče planiranom dinamikom

Predstavnici izvršne vlasti Brčko distrikta održali su u Gradskoj vijećnici u Brčkom radni sastanak sa ministricom civilnih poslova BiH Ankicom Gudeljević na temu cijepljenja.

Esed Kadrić, gradonačelnik Brčko distrikta, rekao je da je susret sa gospođom Gudeljević tako značajan, obzirom na njen angažman i doprinos Ministarstva civilnih poslova Brčko distrikta kako bi proces imunizacije bio realiziran do kraja.

„Imali smo prije nekoliko dana potpisani sporazum koji je angažmanom ministrike Gudeljević uključio i Brčko u Evropsku sedmicu sporta kroz direktnu donaciju Vladi Brčko distrikta, da može promovisati određene sportske aktivnosti. Međutim, dominantno smo pričali o procesu imunizacije i nadam se da bismo u ljetnjem razdoblju konačno mogli imati normalnije uvjete za život u našoj lokalnoj zajednici i priliku da Krizni stožer više ne donosi mjere ograničenja kako je to do sada bilo“, zaključio je Kadrić.

Prema podatcima iz Odjela za zdravstvo i ostale usluge Brčko distrikta trenutno ima desetak tisuća građana prijavljenih za cijepljenje. Do sada je cijepljeno oko 3.000 građana, odnosno tridesetak odsto od ukupnog broja prijavljenih.

Predstojnik Odjela za zdravstvo i ostale usluge Sead Šadić naglasio je da se nastavlja sa ovim aktivnostima.

„Posebno se želim zahvaliti ministrici Gudeljević i njenom timu koji su nam pomogli kada je riječ o projektu „EU4health“ za povećanje procenta cjepliva, odnosno što je naša lokalna zajednica umjesto 0,5% dobila 2,5% od ukupnog broja cjepliva koje će stići u Bosnu i Hercegovinu. Također, i na velikom interesovanju Ministarstva civilnih poslova da isprati aktivnosti, pored entiteta, o tome kako Brčko distrikat radi proces

imunizacije“, istakao je Šadić.

On je dodao da će biti finalizirane i aktivnosti oko direktnе nabave cjepiva.

„Naša lokalna zajednica, predvođena gradonačelnikom, će uskoro potpisati ugovor vezano za direktnu nabavu od 20.000 doza Sinopharm cjepiva, što će nam biti dovoljno da u narednom razdoblju, pored redovite isporuke kroz COVAX mehanizam i „EU4health“, možemo imati jako kvalitetnu imunizaciju na području Brčko distrikta“, doda je Šadić.

On je naglasio da je veliki broj ljekara u proteklom razdoblju bio angažiran u kovid i trijažnim ambulantama zbog povećanja broja zaraženih, te naveo, da će sada, obzirom da se broj zaraženih smanji, dobar dio zdravstvenih radnika moći biti angažiran na cijepljenju, što će ubrzati čitav proces, na zadovoljstvo svih građana.

Ankica Gudeljević, ministrica civilnih poslova BiH istakla je da je Brčko u prethodnom periodu vrlo često bilo zaboravljano prilikom raspodjele donacija.

„Trudim se i uvijek ću nastojati da se takvi propusti više ne dešavaju. Zalažem se da Brčko na državnoj razini, pa i šire, bude dosta više vidljiv nego sada. Nalazimo se u teškim vremenima kada se susrećemo sa pošasti pandemije korona virusa. Koristim priliku da sada, kada u BiH pristižu dovoljne količine cjepiva, pozovem stanovništvo Distrikta da se prijaviti procesu cijepljenja“, istakla je Gudeljević.

Ona je apelovala na građane da slušaju struku i doktore jer je, kako je navela, cijepljenje jedini put da izađemo iz teških vremena.

Sastanku su u ime Brčko distrikta prisustvovali i dogradonačelnik Anto Domić i glavni koordinator Vlade Brčko distrikta BiH Željko Antić.

Окончани радови на реконструкцији

Градоначелник Брчко дистрикта БиХ Есед Кадрић са шефом Одјељења за јавне послове Владе Брчко дистрикта БиХ Ратком Стјепановићем обишао је завршетак радова на стадиону малих спорту „Блатуша“ у Брчком.

Ратко Стјепановић, шеф Одјељења за јавне послове је у изјави медијима навео да је ово један од љеших капиталних пројекта којиме Дистрикт добија функционалан простор како за спортске тако и за културне догађаје.

„Данас присуствујемо окончању радова на одводњи оборинских вода на СМС 'Блатуша' као и изради гумиране подлоге која омогућава да се овај терен користи за мали фудбал, тенис, рукомет, током цијеле године“, рекао је Стјепановић. Такође је истакао да је ово пројекат који је неопходно заштити, те да ће сходно томе упутити допис Канцеларији за управљање јавном имовином Брчко дистрикта БиХ о окончању грађевинских радова, предаћемо објекат те захтијевати да се овај објекат заштити од могућег вандализма.

Вриједност пројекта је 141.000 КМ.

СМС

„Блатуша“



Svečano otvorena izložba „Sestre milosrdnice u Brčkom 1886.-1984.“

Prigodom obilježavanja 150 godina dolaska sestara milosrdnica u Bosnu i Hercegovinu gradonačelnik Brčko distrikta BiH Esed Kadrić svečano je otvorio izložbu „Sestre milosrdnice u Brčkom 1886.-1984.“ i prezentaciju monografije „Družba sestara milosrdnica sv. Vinka Paulskog u Brčkom“, koju su organizirali Služba za arhiv, Odjel za javni registar Vlade Brčko distrikta BiH i HKD „Napredak“ Brčko.

U izložbenom salonu Gradske vijećnice u Brčkom izložba je predstavljena kronološki i prati rad družbe u svom višedecenijskom odgojno-obrazovnom i zdravstvenom djelovanju u Brčkom.

Gradonačelnik Brčko distrikta Esed Kadrić istakao je da je neizmjerno zahvalan što institucije mogu sudjelovati u ovom plemenitom projektu reafirmacije svega što su učinile sestre milosrdnice kroz jedno povijesno razdoblje u ovome gradu na polju obrazovanja, liječenja ili potpore liječenju u brčanskoj bolnici.

„Ne smijemo dozvoliti da se to tek tako zaboravi i bilo bi dobro obnoviti rad sestara u Brčkom. Iz pozicije predstavnika institucija dat će maksimalan doprinos da im damo priliku da nastave svoju plemenitu misiju kako bismo im se odužili za sve što su učinile za našu zajednicu i generacije prije nas“, istakao je gradonačelnik.

Sestra Miroslava Bradica, vrhovna poglavica Družbe sestara milosrdnica iz Zagreba rekla je da je današnja izložba neizmjerito velika radost.

„Vidim da je djelovanje naših sestara ostavilo dubok trag u narodu. Uvijek se ponovo želimo vratiti tamo gdje smo djelovale i nastaviti svoje djelo. Koliko je to moguće pokazat će vrijeme, ali želja i volja postoji“, istakla je sestra Miroslava Bradica.



Sestra Marija Julijana Đaković, provincijalna poglavarica u BiH istakla je da je njena velika želja da jednog dana škola ponovo zaživi u Brčkom.

„I onda kad se čovjek ne snalazi i ide mu krivo, mislim da Bog to vodi i ima svoj razlog. Mi to prihvaćamo i vjerujemo da će nas iz toga izvući“, poručila je sestra Marija Julijana Đaković.

Ćazim Suljević, predstojnik brčanske Službe za arhiv istakao je da je dugo rađeno na prikupljanju arhivske građe i injenoj obradi.

„Pronašli smo, na sreću, sačuvanu građu u Arhivu sestara milosrdnica u Zagrebu tako i u državnom Arhivu Republike Hrvatske. Nastaviti ćemo suradnju sa drugim nacionalnim kulturnim društvima i na taj način se integrirati u kulturni sustav naše zajednice“, dodao je Suljević.

Podsjećamo da po osnivanju brčanske filijale 1886. godine, sestre prvobitno djeluju u Djevojačkoj osnovnoj pučkoj školi. Godine 1896. osnovan je u okviru osnovne škole konvikt za djevojčice iz susjednih mesta, a 1889. godine dječje zabavište za djecu predškolske dobi. Viša djevojačka škola otpočela je svoj rad 1912. godine, a školske 1919/20. u sestrinsku osnovnu školu polaze i muška djeca, te je ona pretvorena u mješovitu osnovnu školu. Po promjeni naziva, Viša djevojačka škola je od 1924. radila kao Građanska škola, sve do 1934. godine kada je zatvorena. Iako je građanska škola zatvorena, osnovna pučka škola uspješno je radila sve do kraja Drugog svjetskog rata, 1945, kada su ukinute sve vjerske škole na području BiH. Sestre su zdravstveni rad otpočele u bolnici 1939. godine. Rad sestara nastavljen je sve do 1974. kada je posljednja sestra, zaposlena u gradskoj bolnici, otišla u mirovinu.

Gradonačelnik Kadrić ozvaničio početak radova na kupalištu u Brezovom Polju



Gradonačelnik Brčko distrikta BiH Esed Kadrić ozvaničio je početak radova na izgradnji kupališta na obali Save u Brezovom Polju koje će biti rasprostranjeno na oko 3.500 kvadratnih metara sa četiri platforme, dječjim igralištima i ostalim zanimljivim sadržajima.

„Ovo je vrijedan projekat za ovu mjesnu zajednicu i Brčko distrikt BiH. Meni lično jedan od dražih projekata, a ono što me raduje jeste da će brzo biti realiziran, bez obzira na 90 dana roka izgradnje. Nastavljamo ravnomerno ulaganje na području cijelog Distrikta“, rekao je gradonačelnik Kadrić.

Predsjednik Mjesne zajednice Brezovo Polje Hajrudin Ljušić zahvalio je gradonačelniku i Vladi Brčko distrikta BiH zbog zalaganja da spomenuti projekat ugleda svjetlo dana.

„Sretni smo i zadovoljni što je počela izgradnja kupališta. Nadam se da ćemo ga barem dio ljetne sezone moći koristiti i siguran sam da će pozitivno uticati na turističku ponudu lokalne mjesne zajednice u koju će, vjerujem, svraćati mnogi“, istakao je Ljušić.

Vrijednost ove investicije je nešto više od 300.000 KM.



Rukometni reprezentativac BiH posjetio gradonačelnika

Alen Ovčina, inače reprezentativac Bosne i Hercegovine u rukometu, koji broji nešto više od 50 reprezentativnih nastupa, posjetio je gradonačelnika Eseda Kadrića te mu, tom prilikom, uručio reprezentativni dres.

Ovčina je jedan od glavnih aktera koji su rukometnu reprezentaciju Bosne i Hercegovine odveli na Europsko prvenstvo u Mađarskoj i Slovačkoj, a koje će se održati u januaru 2022. godine.

Na sastanku se raspravljalo o perspektivi rukometa, ali generalno i sporta, kako u Brčkom tako i u ostaku Bosne i Hercegovine, a reprezentativac Ovčina upoznao je gradonačelnika o pozitivnoj atmosferi koji vlada u rukometnoj reprezentaciji.

Razgovaralo se i o potrebi rukometnih organizacija za podrškom Vlade Brčko distrikta Bosne i Hercegovine, te je gradonačelnik tom prilikom istakao kako će Vlada Brčko distrikta nastojati da podrži ovaj sport, koji po svemu sudeći ima perspektivu u Brčkom.

Uz Alena Ovčinu, ovom sastanku prisustvao je i potpredsjednik Omladinskog rukometnog kluba „Perihel“ Dražen Stojanović koji je rekao kako postoji ogroman interes kod mlađih generacija da se bave rukometom, te kako Brčko ima čime da se pohvali kada je riječ o rukometnim uspjesima, kako na domaćim tako i na stranim takmičenjima.

Sastanak Butković – Mitrović: Dogovorena rekonstrukcija postojećeg i izgradnja novog mosta u Brčkom

Brčko distrikt BiH bio je domaćin sastanka ministra komunikacija i prometa Bosne i Hercegovine Vojina Mitrovića i ministra mora, prometa i infrastrukture Republike Hrvatske Olega Butkovića.

Sastanku ministarskih delegacija, između ostalih, prisustvovali su i gradonačelnik Brčko distrikta Esed Kadrić, predsjednik Skupštine Brčko distrikta BiH Siniša Milić, šef Delegacije EU u BiH i specijalni predstavnik EU u BiH veleposlanik Johann Sattler i prvi zamjenik visokog predstavnika u BiH supervizor za Brčko Michael Scanlan.

Tema sastanka bila je izgradnja novog mosta i sanacija postojećeg na graničnom prijelazu Brčko – Gunja.

Ministar komunikacija i prometa Bosne i Hercegovine Vojin Mitrović istakao je da dolazak delegacija nadležnih ministarstva te prisustvo visokih zvaničnika sastanku u Brčkom pokazuje opredijeljenost da BiH želi biti povezana sa EU i zemljama zapadnog Balkana, ali i da su svi ovdje danas zbog Brčkog, građana Distrikta i susjedne Gunje.

„I sinoć i danas smo razgovarali i usuglasili naše stavove da nam je cilj rekonstrukcija postojećeg mosta kako bi se promet odvijao neometano kao prije dvije godine. Predstoji da radna skupina koja je određena definira projektni zadatak, uradi projekt za rekonstrukciju ovog mosta, a onda kreće i realizacija projekta kako on bi mogao poslužiti za teretni promet određeno razdoblje.

Paralelno s ovim poslovima dogovorili smo sa hrvatskom stranom da pripremamo izgradnju novog mosta na lokaciji udaljenoj četiri kilometra nizvodno od postojećeg. To je most koji će sutra omogućiti da se centar grada rastereti gužvi. Novi most će također povezati autoceste od Bijeljine do Brčkog, a zatim sa autocestom Beograd – Zagreb što je vrlo bitno za Transportnu zajednicu, Europsku uniju, Hrvatsku i BiH“, dodao je ministar Mitrović.

Ministar mora, prometa i infrastrukture Republike Hrvatske Oleg Butković u izjavi za medije rekao je da u ime ministarstva i Vlade Republike Hrvatske izražava spremnost i odlučnost da se po uzoru na Svilaj i Gradišku,

još snažnije nastavi gradnja i obnova svih mostova koji povezuju Republiku Hrvatsku i BiH.

„Zaključak obje strane, koji se nadovezuje na sporazum koji smo prošle godine potpisali ministar Mitrović i ja, jeste da ćemo obnoviti svih deset mostova koji povezuju Republiku Hrvatsku i BiH. Jedan od njih je i most Brčko – Gunja.

Ove godine ćemo, budući da postoji idejno rješenje, napraviti i glavni projekt da se krene žurno u sanaciju postojećeg mosta, a za to vrijeme kreću sve radnje oko pripreme i izrade projektno studijske dokumentacije budući da u prostornim planovima i sa hrvatske strane i u BiH postoji nova lokacija za novi most. Njegovom izgradnjom će Brčkom biti olakšano da može normalno funkcionirati jer se postojeći most nalazi u samom centru grada“, istakao je Butković.

Gradonačelnik Brčko distrikta BiH Esed Kadrić je rekao da je ovo veliki dan za Distrikti i BiH koji ima tradiciju povezanosti mosta sa Republikom Hrvatskom više od 130 godina te naglasio da mnogi građani Gunje ostvaruju svoja prava u Distriktu, a čak i učenici iz Gunje idu u srednje škole u Brčko, čime most ima poseban značaj i simboliku.

„Naišli smo na veliko razumijevanje ministra Butkovića i dogovorili da će se ići u temeljitu rekonstrukciju postojećeg savskog mosta koji povezuje Brčko i Gunju, a u perspektivi paralelno s tim krenuti i s pripremama za izgradnju novog mosta koji je već ucrtan u prostorno-plansku dokumentaciju Brčko distrikta BiH i Vukovarsko-srijemske županije. To su za nas velike i dobre vijesti i već u ovoj godini će se krenuti s izradom projektne dokumentacije rekonstrukcije postojećeg mosta. Na godinu očekujemo u optimalnim uslovima da se krene s rekonstrukcijom kako bismo stvorili uslove da ponovo postojeći most stavimo u funkciju i za promet, odnosno tranzit roba. Nastaviti ćemo i sa aktivnostima oko pripreme za izgradnju novog mosta i trebati će više vremena, ali u perspektivi u narednih 6 do 7 godina doći će do realizacije ovog velikog projekta“, istakao je gradonačelnik Kadrić.



Predsjednik Skupštine Brčko distrikta BiH Siniša Milić zahvalio se svim sudionicima sastanka, posebno ministru Vojinu Mitroviću čijim su aktivnostima, kako je naveo, intenzivirani svi poslovi vezani za rješavanje ovog pitanja ističući da je danas veliki dan za Brčko budući da ćemo danas svjedočiti i početku radova na revitalizaciji „Luke Brčko“.

„Hvala svima koji su doprinijeli da krenemo u praktične korake na realizaciji ovog problema, odnosno odvijanja teretnog saobraćaja na graničnom prijelazu između Brčkog i Gunje i zahvaljujem se i delegaciji Europske unije i OHR-u koji su tu da nam pruže potporu i na jedan, ne samo simboličan, već i praktičan način ukažu na značaj i položaj Brčkog. Sve je sada do nas kako ćemo mi koristiti svoja ovlaštenja i mislim da je isključivo na nama. Sa lokalne razine treba da damo zaista jedan snažan doprinos da sva ova nastojanja koja se tiču izgradnje povoljnog prije svega gospodarskog ozračja, budu zaista na dobrotit građana Brčkog i BiH pa i susjedne Hrvatske“, dodao je predsjednik Siniša Milić.

Prvi zamjenik visokog predstavnika u BiH i supervizor za Michael Scanlan je u izjavi

medijima rekao da je danas važan dan za Brčko distrikt BiH u smislu poboljšane suradnje i promjena u odnosu na njegov prvi posjet Brčko distriktu BiH prije dvije i pol godine.

„Kao što smo vidjeli danas, kada postoji zajednička volja i spremnost tijela vlasti da surađuju i s jedne i s druge strane rijeke, uz pomoć kolega iz Europske unije, moguće je postići pomake i napraviti velike stvari“, kazao je supervizor Scanlan. Također je izrazio posebno zadovoljstvo zbog opredjeljenja na konkretnе aktivnosti kako bi se vidjeli rezultati u što kraćem roku.

„Ovo je savršen primjer kako stvari funkcioniрају kada Republika Hrvatska, Bosna i Hercegovina i Brčko distrikat Bosne i Hercegovine na prvo mjesto stavljaju svoje građane“, istakao je Scanlan.

Johann Sattler, šef Delegacije Europske unije u Bosni i Hercegovini i specijalni predstavnik Europske unije, izrazio je zadovoljstvo zbog prisustva današnjem sastanku, čiji je fokus bio dalje povezivanje Bosne i Hercegovine sa Hrvatskom, odnosno Europskom unijom.

„Moj zadatak je potpuno jasan, a to je približavanje Europske unije Bosni i Hercegovini“, rekao je Sattler.

Представници извршне и законодавне власти Дистрикта са шефом Делегације ЕУ у БиХ

Шеф Делегације Европске уније и специјални представник Европске уније у БиХ Јохан Сатлер (Johann Sattler) боравио је у првој посјети новоизабраним властима у Брчко дистрикту БиХ, где се у Градској вijeћници састао са градоначелником Еседом Кадрићем, његовим замјеником Антом Домићем, предсједником Скупштине Брчко дистрикта БиХ Синишом Милићем и замјеником предсједника Ивом Филиповићем.

Било је ријечи о досадашњој успјешној сарадњи те свеобухватној подршци коју Европска унија пружа развоју Брчко дистрикта БиХ годинама уназад.

Закључено је да Европска унија остаје кључни партнери БиХ, али и Брчко дистрикта БиХ на путу ка ЕУ те наглашена важност реализације многобројних пројекта које је ЕУ финансирала кроз бесповратна средства, од којих је један и ревитализација „Луке Брчко“ у износу од 3 милиона евра, чија реализација почиње данас.

Поменути су и заједнички пројекти који се

тичу стамбеног збрињавања угрожених категорија, Рома те изbjеглица и расељених лица, где је Европска унија Дистрикту донирала укупно четири зграде.

Неизоставна тема разговора је и борба с корона вирусом те међусобна сарадња на овом пољу. Наведени су и други заједнички пројекти који су успјешно реализовани попут подршке опоравку од поплава и реконструкцији савског насила и ријеке Брке, као и подршка опоравку и превеницији од поплава кроз прекограницну сарадњу те новоизграђено сједиште Полиције Брчко дистрикта БиХ за коју је ЕУ издвојила 3,5 милиона евра.

Представници ЕУ су истакли овом приликом даје дистрикт Брчко узорцијело земљи када је ријеч о усвајању Закона о мирним окупљањима који ће користити и други нивои власти. На крају састанка шеф Делегације ЕУ у БиХ и представници власти Брчко дистрикта Бих договорили су наставак успјешне сарадње и у будућем периоду.





Наступна посјета команданта ЕУФОР-а у БиХ Брчко дистрикту БиХ

Представници извршне и законодавне власти Брчко дистрикта БиХ састали су се у Градској вijeћници са командантом Снага Европске уније (ЕУФОР) у Босни и Херцеговини (БиХ) генералом-мајором Александером Плацером (Alexander Platzer).

У име Дистрикта састанку су присуствовали градоначелник Есед Кадрић, замјеник градоначелника Анто Домић, предсједник Скупштине Синиша Милић и замјеник предсједника Скупштине Иво Филиповић. Састанку је присуствовао и први замјеник високог представника и супервизор за Брчко Мајкл Сканлан(Michael Scanlan).

Градоначелник Брчко дистрикта БиХ Есед Кадрић истакао је да је Брчко дистрикт БиХ, у складу са својим надлежностима, опредијељен за очување политичке, економске, финансијске али и безбједносне стабилности ове локалне заједнице посебно наглашавајући значај борбе против корупције те навеода институције Дистрикта на свим пољима активно раде и међусобно сарађују.

У томе, како је истакао градоначелник Кадрић, доприноси и добра сарадња како с ЕУФОР-ом тако и са свим другим међународним институцијама и организацијама у БиХ.

Командант ЕУФОР-а генерал-мајор Плацер

захвалио се званичницима Брчко дистрикта БиХ на најновијим информацијама о питањима безбједности и развоју Дистрикта. Истакао је да је поносан на континуирану сарадњу са дистриктом Брчко и нагласио посвећеност ЕУФОР-а да настави доприносити сигурном и стабилном окружењу у Дистрикту и читавој Босни и Херцеговини. Супервизор је поздравио чињеницу да је Брчко дистрикт БиХ на право мјесто ставио безбједно и мирно окружење за све његове становнике, што је важан предуслов за развој и напредак ове заједнице. „У том смислу, политика нулте толеранције према корупцији, покровитељству и злоупотреби јавних ресурса има централно мјесто. Рад полиције у новој и модерној згради, усвајање Закона о спречавању сукоба интереса и успостава Уреда за борбу против корупције су знакови да Дистрикт и његови партнери ове циљеве сматрају приоритетима“, рекао је први замјеник високог представника и супервизор за Брчко Мајкл Сканлан.

Учесници састанка су изразили спремност за даљу сарадњу између Брчко дистрикта БиХ и ЕУФОР-а, која је до сада, како су навели, увијек била успешна.

Gradonačelnik ugostio učenike Osnovne muzičke škole



Gradonačelnik Brčko distrikta BiH je upriličio prijem za kolektiv i učenike Osnovne muzičke škole iz Brčkog povodom obilježavanja 71 godine od osnivanja ove obrazovne ustanove te osvojenim nagradama na međunarodnim takmičenjima koje pripale su mališanima sa odsjeka za violinu, flautu, klavir i gitaru.

Gradonačelnik Esed Kadrić je čestitao je Osnovnoj muzičkoj školi ovaj značajan jubilej te istakao da je činjenica da je devet naših učenika osvojilo nagradu na međunarodnim takmičenjima potvrda da Brčko uistinu ima velike talente u oblasti muzike.

Također je naglasio da se ukazala potreba da vlasti Distrikta razmišljaju o unapređenju rada Osnovne muzičke škole te da se počne s utvrđivanjem faze formiranja kako srednje muzičke škole tako i odsjeka u okviru brčanske Gimnazije.

„Mislim da je ovo ulaganje ispravno, neophodno i Vlada Distrikta će biti velika podrška i Osnovnoj muzičkoj školi i svim njenim učenicima i mogućnostima da dalje razvijamo ovaj sektor kulture kako bismo imali što više formalno obrazovanih muzičara u našoj lokalnoj zajednici“, dodaо je Kadrić.

Jasmin Hasić, direktor Osnovne muzičke škole Brčko, zahvalio se u ime kolektiva škole, učenika i roditelja na prijemu od strane gradonačelnika i Vlasti Brčko distrikta BiH koji su prepoznali kvalitet rada kako učenika tako i nastavnika.

„Povod je jako lijep, 71 godina postojanja škole u Brčkom, zatim nagrade učenika sa takmičenja koje su stecene u vremenu pandemije kada su učenici pored silnih ograničenja zaista se potrudili i uspjeli da navježbaju programe i da pred međunarodnim stručnim žirijem osvoje sedam prvih nagrada te dvije druge nagrade“, naveo je Hasić.

Kazao je i da iz godine u godinu raste interesovanje roditelja i učenika za poхаđanjem Osnovne muzičke škole.

„Trenutno brojimo više od 200 učenika i imamo veliki broj prijava za upis u prvi razred. Nadam se da će svi oni učenici koji žele da pohađaju Osnovnu muzičku školu imati priliku da to ostvare u narednom periodu, ali i da se ostvari dugogodišnja ideja da grad Brčko dobije srednju muzičku školu jer to zaslužuje s obzirom na brojne talente koji van grada pohađaju muzičke škole“, rekao je Jasmin Hasić.

Milica Milovanović, učenica Osnovne muzičke škole u Brčkom, svira violinu, a na međunarodnom takmičenju je nagrađena drugim mjestom.

„Veliča mi je čast što sam treći put imala tu priliku da dođem u Gradsku vijećnicu zbog uspjeha na takmičenju. Planiram da nastavim da se bavim muzikom u budućnosti i da upišem srednju muzičku školu i muzičku akademiju“, kazala je Milica.

Prijemu su prisustvovali i predstavnici Vlade Brčko distrikta BiH Zoran Bulatović, šef Odjeljenja za obrazovanje, kao i Mara Matkić, šefica Pododjeljenja za predškolsko i osnovno obrazovanje.



Počeli pripremni radovi na modernizaciji „Luke Brčko“





U Brčkom zvanično je obilježen početak pripremnih radova na rekonstrukciji i modernizaciji „Luke Brčko“ u prisustvu gradonačelnika Brčko distrikta BiH, predsjednika Skupštine Brčko distrikta BiH, predstavnika Evropske unije, Evropske banke za obnovu i razvoj i Ureda visokog predstavnika.

Projekat modernizacije „Luke Brčko“ obuhvatit će izgradnju i uređenje platoa Luke, nabavku nove dizalice, rekonstrukciju Bijeljinske ceste kao i pruge do željezničke stanice Novo Brčko. Radovi će najprije započeti na rekonstrukciji platoa, koje će izvoditi preduzeće Bijeljina i Prijedor putevi, izabrano na javnom tenderu.

Direktor „Luke Brčko“ Perica Josić izjavio je da je „Luke Brčko“ bitna tranzitna tačka za tok teretnog saobraćaja u Bosni i Hercegovini i da je sa Evropskom unijom povezana željezničkim, cestovnim i riječnim putem.

„Ovim projektom modernizacije koji se sastoji iz tri dijela rekonstrukcije platoa s odvodnjom oborinskih voda, nabavkom nove dizalice i rekonstrukcijom željezničke pruge od željezničke stanice Novo Brčko do „Luke Brčko“ sa izgradnjom pristupne ceste postići ćemo da naša Luka postane konkurentnija, efikasnija, bolje opremljena s povećanim kapacitetom čime ćemo moći povećati i obim posla i privući nove klijente“, kazao je Josić.

Gradonačelnik Brčko distrikta BiH Esed Kadrić istakao je da će modernizacija jedine riječne luke u BiH „Luke Brčko“ povećati konkurentnost Brčko distrikta BiH u privrednom razvoju.

„Revitalizacija brčanske Luke je jedan od značajnijih infrastrukturnih projekata. Očekujem da ćemo sustići sve zadate rokove i da ćemo moći koristiti Luku u perspektivi koja je pred nama. Tako ćemo omogućiti da se razvija privreda distrikta Brčko i cijele BiH na način da će koristiti jeftinije usluge transporta, a time omogućiti da Luka pospiši svoje poslovanje i ima svoju suštinsku funkciju“, naglasio je Kadrić.

Predsjednik Skupštine Brčko distrikta BiH Sima Milić kazao je da je projekat revitalizacije Luke jedan od najznačajnijih projekata u Brčkom.

„Projekat će nas pozicionirati u centar integracijskih aktivnosti kada je u pitanju povezivanje privrede i saobraćaja, ne samo u BiH već i u regiji. Važno je da se nakon trogodišnje blokade u realizaciji ovog važnog projekta, i praktično isteka grejs perioda, ipak krenulo unjegovu realizaciju“, kazao je Milić.

Šef Delegacije EU u BiH i specijalni predstavnik EU ambasador Johann Sattler kazao je da zahvaljujući svom strateškom i geografskom položaju „Luka Brčko“ može postati ključna tranzitna tačka za protok teretnog saobraćaja između BiH i Evropske unije.

„Trenutna infrastruktura „Luke Brčko“ zastarjela je i teško joj je pristupiti željeznicom, ali nakon obnove Luka može postati centralna poveznica za ekonomije regije. Zadovoljan sam što je EU podržala modernizaciju „Luke Brčko“ s 3 miliona eura bespovratnih sredstava. To će donijeti konkretnе koristi lokalnoj zajednici i cijeloj zemlji kroz nova ulaganja, otvaranje radnih mesta i novih prilika za poslovanje“, kazao je Sattler.

Manuela Nesl, direktorka Ureda Evropske banke za obnovu i razvoj u BiH (EBRD), izjavila je da je EBRD zadovoljna što konačno počinje modernizacija „Luke Brčko“.

„Sigurni smo da će ovaj projekat imati značajan pozitivan uticaj na ekonomski rast i olakšavanje trgovine ovdje u Brčkom i u cijeloj BiH. Luka može biti trgovacko čvoriste a sa svojom odličnom lokacijom također i izvozni centar za regiju. Nastaviti ćemo da podržavamo ovaj razvoj nadajući se da će i privatni investitori iskoristiti mogućnosti u novoj Luci i nastaviti ćemo da podržavamo poboljšanje infrastrukture u cijeloj BiH, postižući bolje veze sa zemljama u regiji i EU“, kazala je Nesl.

Mehanizacija u „Luci Brčko“ uglavnom je dotrajala, a portalne dizalice stare su i više od 50 godina. Projekat obuhvatava i nabavku nove dizalice nosivosti do 16 tona (tri puta veće od sadašnje) što će doprinijeti da se poveća kapacitet pretovara robe na 150 do 200 tona po satu.

Ukupna vrijednost projekta je 10 miliona eura i finansira se bespovratnim sredstvima Evropske unije u iznosu od preko 3 miliona eura i kreditom od Evropske banke za obnovu i razvoj u iznosu od 7 miliona eura. Sredstva EU osigurana su kroz Investicioni okvir za Zapadni Balkan, u okviru kojeg međunarodne finansijske institucije i donatori osiguravaju finansiranje za velika infrastrukturna ulaganja u regiji.

Projekat rehabilitacije je u skladu s Agendom povezanosti Evropske unije, koja promoviše transportnu povezanost na Zapadnom Balkanu kao važan faktor za ekonomski razvoj, regionalnu saradnju i integraciju s Evropskom unijom.

Vlada usvojila Nacrt zakona o igrama na sreću

Vlada Brčko distrikta BiH usvojila je u nastavku 15. redovite sjednice Nacrt zakona o igrama na sreću Brčko distrikta Bosne i Hercegovine.

Donošenje novog zakonskog rješenja zahtjevale su dinamične promjene u oblasti priređivanja igara na sreću u vidu stalnog pojavljivanja novih igara odnosno novih načina za sudjelovanje u igrama na sreću kao i zbog činjenice da postojeći sustav nadzora nad naglo razvijenim tržištem igara na sreću nije dovoljno učinkovit.

Ravnatelj Direkcije za financije Brčko distrikta BiH Mato Lučić rekao je da je zadnji put ovaj

zakon usvojen 2007. godine, dakle, da je prošlo 14 godina, i postojala je potreba da se izradi novi zakon na kojem je Direkcija radila dvije godine.

„Zakon je dosta dobar i on je zbir svih nekakvih zakonskih rješenja iz oblasti u svim okolnim zemljama uzimajući i zemlje Europske unije. Zakon će biti u primjeni od 1. 1. 2022. godine i potrebno je donijeti još neke pravilnike i uspostaviti sustav kako bi porezna uprava mogla u potpunosti pratiti izvršenje i kako bi se naplatilo i više prihoda u proračun Brčko distrikta BiH“, rekao je Mato Lučić.

Влада усвојила Документ оквирног буџета за 2022–2024. годину

Влада Брчко дистрикта БиХ усвојила је на 18. редовној сједници Приједлог документа оквирног буџета Брчко дистрикта БиХ за период од 2022. до 2024. године на приједлог Дирекције за финансије Брчко дистрикта БиХ.

Анела Илић, шеф Сектора за извршење буџета истакла је да је овај документ усвојен у року предвиђеном Законом о буџету Брчко дистрикта БиХ и представља основ за израду Приједлога буџета за 2022. годину, односно за израду тзв. Инструкције број ИИКојом започиње дио буџетског процеса којим се буџетски корисници изјашњавају о својим буџетским захтјевима и достављају приједлоге.

„Документ оквирног буџета предвиђао је уравнотежене износе прихода и расхода Брчко дистрикта за период од наредне три године и одредио је горњу индикативну границу свих расхода и издатака свих буџетских корисника. Ти износи по годинама износе: за 2022. годину 229.000.000 КМ, за 2023. годину 236.600.000 КМ и за 2024. годину 236.400.000 КМ“, додала је Анела Илић.

Она је нагласила да су горње индикативне границе расхода за све буџетске кориснике утврђене и засноване на подацима о извршењу њихових буџета за 2020. годину, а у неким сегментима на основу планираних величине у буџету 2021. године.

Рукометни клуб „Јединство 2015“ код градоначелника Кадрића

Градоначелник Брчко дистрикта БиХ Есед Кадрић организовао је у Градској вијећници пријем за руководство и играче Рукометног клуба „Јединство 2015“.

Градоначелник је овом приликом младим спортистима честитао скорање успјехе.

„Заиста је за сваку похвалу што сте својом преданошћу, радом и спортским духом успјели за врло кратко вријeme да остварите значајне резултате. Честитам вам освојено прво мјесто ПрвеM:тел лиге РС и прилику коју сте добили да заиграте у Премијер лиги Босне и Херцеговине.

Тиме бисте постали пети клуб из Брчког који је премијерлигаш, а бити дио оваквог елитног државног такмичења је за примјер и велики је успјех, како за вас играче, тако и за нашу локалну заједницу“, додао је градоначелник Кадрић.

На пријему је било ријечи и о проблемима у раду са којима се клуб сусреће, али и талентованим појединцима те генерацији момака који су „расли“ у овом клубу и на прагу су сениорске репрезентације БиХ.

Руководство клуба је градоначелнику Кадрићу изнијело и планове за наредну такмичарску сезону као и услове у којима тренирају.



Vlada usvojila rebalans budžeta za 2021. godinu

Vlada Brčko distrikta BiH održala je osmu vanrednu sjednicu na kojoj je usvojila Nacrt odluke o izmjenama Budžeta Brčko distrikta BiH za 2021. godinu, a koja će biti upućena u skupštinsku proceduru sa zahtjevom za vanredno zasijedanje po ovom pitanju 1. jula. ESED Kadrić, gradonačelnik Brčko distrikta rekao je da je ovo prvi rebalans budžeta za ovu godinu i da je sačinjen na osnovu potreba odjela i institucija, zakonskih obaveza, obaveza na osnovu sporazuma te potreba kapitalnih ulaganja.

Gradonačelnik je kazao da se budžet uvećava za preko 15 000 000 konvertibilnih maraka.

„U međuvremenu smo odlučili da evidentiramo sva nenaplaćena potraživanja koja se vode u Kancelariji za upravljanje javnom imovinom. Imamo dio prihoda koji ćemo ostvariti prodajom zemljišta putem specijalne pogodbe sa „Studen Holdingom“. Doći će do uvećanja finansiranja zbog kredita koji smo dobili u međuvremenu, i to prvu transu od 2,5 miliona KM, za potrebe borbe protiv COVIDA-19. Takođe, imamo višak prihoda nad rashodima iz ranijih godina, i to preko 6 460 000 KM i dio prenosa sredstava iz kapitalnog budžeta iz 2019. i 2020. godine“, pojasnio je gradonačelnik Kadrić.

On je, govoreći o rashodovnoj strani rebalansa budžeta istakao da će 10 000 000 KM biti raspoređeno na kapitalna ulaganja.


„U Odjeljenju za komunalne poslove predviđeli smo 3 000 000 KM za izgradnju kanalizacione mreže i javnu rasvjetu, zatim u Odjeljenju za javne poslove 4 061 000 KM za izgradnju putne infrastrukture, u Kancelariji za javnu imovinu planirali smo 2 500 000 KM za rekonstrukciju i održavanje javnih objekata te rekonstruisati objekat na Bescarinskoj zoni, za što je predviđeno 200 000 KM i to za potrebe Civilne zaštite i njihovo izmještanje iz centralne gradske zone“, rekao je gradonačelnik Kadrić.

On je dodao i da je u Odjeljenju za obrazovanje planirano preko 350 000 KM za nastavak izgradnje fiskulurnih dvorana u JU „Poljoprivredna i medicinska škola“ i Peta osnovna škola- područna škola Brod.

Govoreći o ostalim rashodima gradonačelnik je naveo da su na poziciji materijalnih troškova i ugovorenih usluga povećana sredstava za 300 000 KM za održavanje javnih objekata.

„Uradicemo pripremne aktivnosti u staroj zgradi Policije da bismo u ove prostorije uselili Inspektorat, Odjeljenje za evropske integracije i međunarodnu saradnju i druge službe“, kazao je Kadrić.

On je naglasio da je za stambeno zbijavanje boračkih kategorija izdvojeno 1 200 000 KM.



„To su sredstva koja nismo isplatili prošle godine zbog pandemije virusa korona. Ovim smo ispunili obećanje svim boračkim udruženjima da ćemo ove godine realizovati taj projekat, a na raspolaganju im je i 1 200 000 KM za ove namjene iz budžeta za tekuću godinu, što je ukupno 2 400 000 KM koje mogu realizovati. Služba boračko invalidske zaštite već obilazi stambene jedinice korisnika koji su aplicirali po javnom pozivu“, dodao je Kadrić.

On je napomenuo da je za potrebe ugovora sa JP „Komunalno Brčko“ za čišćenje i pranje ulica i održavanje zelenih površina izdvojeno 100 000 KM te za održavanje njivskih puteva, mostova i čišćenje kanala u Odjeljenju za poljoprivredu, šumarstvo i vodoprivredu 118 000 KM.

„Izdaci za tekuće kapitalne transfere su preko 5 500 000 KM i moram spomenuti da smo ovim rebalasom planirali 2 200 000 KM za podsticaj u poljoprivredi iz 2020. godine, preostalih 20 %, čime ćemo u potpunosti isplatiti podsticaje u poljoprivredi za prošlu godinu. Predviđen je i transfer Razvojno-garantnom fondu od 300 000 KM za potrebe Jedince za implementaciju međunarodnih projekata kako bismo se mogli priključiti lokalnim zajednicama koje uspješno realizuju međunarodne projekte, posebno grant sredstva“, dodao je Kadrić.

On je napomenuo i transfer Fondu zdravstvenog osiguranja, prema zaključku Skupštine, za nabavku senzora za mjerenje šećera u iznosu od 200 000 KM, subvenciju JP „Radio Brčko“ u iznosu od 140 000 KM te predviđenih 139 000 KM za nabavku opreme za COVID laboratoriju u Odjeljenju za zdravstvo i ostale usluge.

Gradonačelnik Esed Kadrić je najavio da će početkom septembra Vlada izvršiti novu valorizaciju prihoda koje Brčko distrikt ostvaruje te ukoliko bude potrebe za intervencijom na neke značajnije kapitalne projekte i ostale potrebe vladinih odjeljenja, sačiniti novi rebalas budžeta.



**Kadrić: Važan dan za Brčko,
30 mlađih ljekara
šaljemo na specijalizaciju**



Gradonačelnik Brčko distrikta BiH Esed Kadrić uručio je rješenja o specijalizaciji za 30 mladih doktora medicine sa područja Brčko distrikta.

Dr. Ajša Poturak dobila je specijalizaciju iz neurologije. „Desilo se da sam dobila specijalizaciju koju sam željela, a koja je isto tako potrebna u Brčkom, tako da sam prezadovoljna. Svoju ljekarsku karijeru sam započela prije godinu dana kada je započela pandemija korona virusa. Htjela bih da naglasim da su sve moje kolege koje su danas ovdje sa nama iznijele pandemiju i mislim da je ovo prikladna kruna za naš rad“, istakla je Ajša.

Dr. Siniša Mihajlović, zaposlen je u Javnoj zdravstvenoj ustanovi „Zdravstveni centar“ Brčko već četiri godine na Odjeljenju za internu medicinu.

„Dobio sam i specijalizaciju iz interne medicine koju sam od početka želio. Zahvalio bih se Odjeljenju za zdravstvo i JZU koji su nam omogućili dalje usavršavanje. Ne razmišljam da idem u inostranstvo. Ovdje sam sa svojom porodicom i plan mije da ostanem u našem gradu i pomažem našem stanovništvu“, rekao je Mihajlović.

Gradonačelnik Esed Kadrić kazao je da je danas jako važan dan za našu lokalnu zajednicu.

„Trideset mladih specijalizanata šaljemo na renomirane univerzitetsko-kliničke centre na obuke da nam se vrate sa kvalitetnim medicinskim znanjima, pospješuju rad JZU, a samim time i poboljšaju kvalitetu liječenja u ovoj ustanovi“, istakao je Kadrić.

On je dodao da svi ovi mladi ljudi imaju potporu vlasti u dalnjem radu, ali da grad od njih ima i velika očekivanja.

„Nijedan sveučilišni centar u ovom trenutku ne šalje ovoliko specijalizanata kao što to radi brčanska vlast, odnosno JZU. Opredjeljenje Vlade Distrikta da se ulaze u sektor zdravstva seže i u potrebe za kadrovskim snaženjem i što kvalitetnijim specijalizantima. Mi ćemo paralelno raditi na stvaranju što boljih uvjeta i nabavi što sofisticiranije aparature sa kojom će oni moći da rade“ zaključio je gradonačelnik Kadrić.

Nihad Šibonjić, ravnatelj JZU „Zdravstveni centar“ Brčko naglasio je da je ljudski čimbenik najznačajniji u liječenju odnosno zdravstvenoj skrbi stanovništva.

„Danas upućujemo najveći broj ljudi na specijalizacije do sada. Osim mladih doktora koji su danas dobili specijalizacije, u različitim stupnjima specijalizacije je još 14 ljudi, a nekoliko njih ove godine i završavaju. To znači da trenutno imamo 40 do 45 ljudi na specijalizaciji iz Brčkog“, zaključio je Šibonjić.

Održana obuka za udruge iz oblasti športa, kulture i turizma

Odjel za gospodarski razvitak, šport i kulturu Vlade Brčko distrikta BiH u Domu kulture u Brčkom organizovao je dvodnevnu obuku za predstavnike udruga građana, fundacija i drugih pravnih i fizičkih osoba iz oblasti turizma, kulture i športa za pripremu, izradu i prijave na javni poziv i finansijsko izvještavanje.

Predstavnik Odjela za gospodarski razvitak, šport i kulturu Vlade Brčko distrikta BiH Zvonimir Marić kazao je da je cilj obuke pojasniti na koji način zainteresirane udruge, nevladine organizacije mogu aplicirati projekte koji zajedno s programima moraju biti u skladu s novim Zakonom o proračunu i pravilnikom kako bi što lakše prebrodili promjene.

„Javnost je upoznata već duže vremena da se dešavaju određene promjene u sektoru nevladinih organizacija. Na obuci će moći čuti određena pojašnjenja kao na primjer na koji način trebaju da apliciraju kako ne bi došlo do određenih nesuglasica i sl. Projekti i programi morat će da budu sa više konkretnijih navedenih programa u samom projektu. Sa novim pristupom povjerenstvu će biti jednostavnije da vrši analize i provjere tako da će javnost i povjerenstvo imati transparentniji uvid u rad nevladinog sektora. U ovom prvom razdoblju možda će malo biti komplikovanje jer godinama se radilo na drugačiji način, ali vjerujem da će predstavnici udruga savladati ovum materiju i da će im kasnije biti jednostavno i praktično“, kazao je Marić.

Danijel Malić, trener obuke istakao je da se trening sastoji od dva elementa kako bi se predstavnici upoznali s novim načinom i pristupom pripreme kao i izrade i prijave na javni poziv i finansijsko izvještavanje.

„Prvi element je da se sve udruge i sportski kolektivi upoznaju sa programskim budžetiranjem, odnosno budućom implementacijom projekata. Naime, pravilnik je propisao da svi projekti moraju biti sa strateškim prioritetima Distrikta i u skladu s tim obratit ćemo pažnju da je to jedan od općih kriterija, pa i temeljnih kada su u pitanju ocjenjivanje projekata i njihova svrsihodnost. Drugi dio treninga isključivo je vezan za projektni menadžment i upoznavanje svih udruga i kolektiva sa onim elementima projektnih aplikacija. Po prvi put se sreću sa elementima logičke matrice zatim jednom novom formom proračuna i načinom budžetiranja te budućeg pravdanja troškova. Obratit ćemo pažnju i na ciljeve opće i specifične, detaljno razraditi aktivnosti i rezultate projekata, ali ono što je također važno jeste upoznati ih i sa elementima indikatora i verifikatora što zapravo cijelokupno čini logičku matricu“, kazao je Malić napominjući da oni koji ne prođu obuku imati će pristup materijalu koji će biti dostupni u narednom razdoblju kako bi se podsjetili šta se radilo na obuci.





Kancelarija gradonačelnika, Sekretarijat Vlade Brčko distrikta BiH,
Sektor za informisanje Vlade Brčko distrikta BiH
Bulevar mira 1, 76100 Brčko distrikt BiH

vlada.bdcentral.net